


嘉靖廿三年至廿八年



四十九

國權

甲辰嘉靖二十三年

正朔子朔 上不視朝

壬寅火星犯房宿北第一星

癸卯韓府通惠王融沈薨

夜火土星聚房宿

丁未總督宣大侍郎翟鵬欲盡徵延綏薊遼之兵防宣大兵部謂各鎮有警計安出遂止調延綏二游兵

鹽官談遷孺木著

庚戌置錢糧簿籍朝覲官領還聽巡按御史稽考
癸丑仁和長公主薨

吏部大計降斥有差

甲寅發十六萬餘金於宣大山山西備犒

辛酉作嘉靖通寶錢如洪武

癸亥虜寇甘州土官百戶馬能說總兵楊信以魯迷等國留

使九十一人禦之馮亦阿力等九人死事間信免下馬能於

理歸死者之喪

乙丑總督宣大侍郎翟鵬請大臣督餉

上從部議令鵬兼

理軍餉

丙寅宣府旱饑發京粟十萬石於懷來給吏卒

故刑部右侍郎林鶚贈尚書謚恭肅

虜白通千餘騎寇黃崖關我軍敗之

前太子太保南京兵部尚書秦金卒金無錫人弘治癸丑進

士授戶部主事歷撫湖廣有平徭功老識練事有大臣風節

贈少保謚端敏

丁卯大理寺左少卿丘養浩為右僉都御史巡撫四川

翰林院脩撰周文炳為國子監司業

戊辰翰林院侍讀華察為侍讀學士署院
發六十萬金於宣大山山西備餉

涼州衛火

咸寧侯仇鸞總兵鎮守甘肅

二朝未提督雁門等關兼巡撫山西右僉都御史李珣疾歸

調兵部右侍郎侯綸南京免貴州巡撫都御史彭年

南京河南道監察御史包節追劾辛丑主試官尚書溫仁和

分試官編脩嵇世臣賄私貢士徐履祥陳志滿仲駿又及左

庶子童承叙右贊善郭希顏編脩袁煒並不堪典試上不

問

大同巡撫趙錦甘肅巡撫詹榮各易鎮時錦與總兵周尚文

不協故移之

壬申薊鎮總兵署都督僉事祝雄卒雄遠東前屯衛人善撫

吏卒又廉慎亦良將也嘗禦敵于少却立斬以徇在鎮三年

虜馬不敢南牧薊人立祠祀之

丙子巡撫山東右副都御史曾銑改提督雁門等關兼巡撫

山西

署詹事府事禮部尚書兼翰林學士張潮左春坊左庶子兼

翰林院脩撰江汝璧主禮闈

戊寅虜白通復寇大水峪被射死

辛巳金星晝見

壬午巡撫陝西右僉都御史路迎為兵部右侍郎巡撫雲南

右僉都御史劉渠移貴州進右副都御史

甲申署詹事府事禮部尚書張潮卒於禮闈潮內江人正德

辛未進士館選授編脩歷令官

順天府丞端廷赦為右僉都御史巡撫山東

戊子陝西左布政使翁萬達為右副都御史巡撫陝西

癸巳祈穀大高玄殿禁屠停刑七日

丙申工部尚書潘鑑改兵部尚書兼右副都御史提督兩廣

軍務

三巳亥朔禮部左侍郎兼翰林學士費寀為禮部尚書署詹事

府

甲辰施藥朝天宮禮部左侍郎孫承恩錦衣衛指揮使陸炳

提督

褫隆平侯張瑋爵瑋娶失行婦丘氏又奪蒼頭婦并死之狀

聞丘氏論死

乙巳左春坊左庶子兼翰林院脩撰江汝璧為少詹事兼學士署院

癸丑策貢士瞿景淳等三百十七人賜秦鳴雷瞿景淳吳情進士及第出身有差

復郭希顏右春坊右贊善兼檢討

宣府脩邊卒值虜五百餘騎寇龍門所總兵官卻永自滴水崖會叅將劉瓌等夾擊於盤道墩斬十五級又追斬三十六級進翟鵬兵部尚書兼右副都御史卻永都督同知甲寅上以安靜設醮謝上帝停刑十二日

丁巳夜火星入斗

戊午右副都御史周煦卒

左贊善浦應麒免以北闈私貢士馬鑿等給事中呂時中劾之鑿等削籍訪絕力之士

四 己卯辰州知府許與改禮部主客員外郎吏部尚書讚之子任中府經歷陞讚以年衰使省親

承運庫太監任舉派浙直織幣值三十萬金部議三年通完
報可

丙子秦安縣大雨雹傷稼

丁丑巡撫保定右副都御史吳瀚劾免

南京太僕寺少卿張袞為南京光祿寺卿

戊寅孫秉元嗣懷寧侯趙國斌嗣武靖伯劉良璽嗣寧晉伯

前戶部尚書張雲卒雲信陽人弘治壬戌進士贈太子少保

夜木犯房北第一星

壬午刑部左侍郎葉相致仕

五朔戊朔刑部右侍郎屠僑為左侍郎南京大理寺卿喻茂堅

為刑部右侍郎

壬寅提督操江伏羌伯毛漢總督漕運鎮淮安

癸卯提督南京糧儲右僉都御史魏有本為南京大理寺卿

甲辰南京禮科給事中游震得陳東宮出閣就講事宜

上然之

丙午遼東總兵官趙國忠落職都督同知巡撫孫禮鐫二級

初建州李撒赤哈等犯邊入鴉鶻關誘官軍入伏都指揮康

雲敗沒都指揮趙奇佟勳把總王鎮援之皆死

丁未安南都統使莫福海入貢

已酉再覈戚畹冒濫及冗官

庚戌撫治鄖陽右僉都御史王守改提督南京糧儲

辛亥夷李哈哈尚素朝貢偵報虜情副總兵李景良乘其入

市囚之巡按御史賈大亨懼激變以聞

勘處湖貴夷情右副都御史萬鏜初討銅仁鎮管叛苗不克

知鎮溪土指揮田應朝苗所信也今任巡捕應朝少辰州諸

生巧黠多詐至是益橫征則殺良撫則脅賄故久無功一日

召苗渠帥必索質以千戶某往渠帥龍求兒來見誅之苗亦

殺千戶復遣監司招賊給魚鹽口糧渠帥龍許保予冠帶鏜

遂上善後事宜班師召鏜入朝被劾郭子章萬尚書班師

後貴苗復叛則功誠難言矣永昭編年錄云萬倚分宜故功

賞遷叙有功予讀楊蒲坂太宰獻納稿萬尚書與江中丞贈

官議曰尚書萬鏜為趙文華事見惡於嚴嵩都御史江湖為

張寅之獄見誣於郭勛輿論相同誠為冤橫故萬鏜得贈太

子太保江贈兵部左侍郎國史論野其不同如此

丙辰浙江左布政使歐陽必進為右副都御史撫治鄖陽

定分守分巡官徧歷郡縣

辛酉大理寺左少卿董珊為右僉都御史巡撫遼東
壬戌劾免漕運總督伏羌伯毛漢

乙丑前府都督僉事劉璽提督漕運鎮守淮安

林之盛曰吾人晚節當愈細愈嚴不然將為人口實劉公
清苦未變於初也徒以祿入既豐而輿服稍踰民遂謔曰
昔為青菜劉今為黃金璽吁可畏如此哉

丙寅召前松潘副總兵何卿疾辭奪都督銜勒赴部

六 戊辰朔故南京禮部左侍郎王瓚謚文懿

徵延綏奇兵三千人戌宣大

甲戌前少保兼太子太保吏部尚書武英殿大學士方獻夫
卒獻夫南海人弘治乙丑進士授禮部主事議禮至大拜其
視桂萼輩稍和平然亦不肯降下持易退之操居家數與部
國競毀譽半馬贈太保謚文襄

乙亥夜火星入箕逆行

丙子巡撫順天右副都御史許論疾歸

戊寅免鳳陽旱災田租

汰團營兵成國公朱希忠請留許之

己卯安南莫福海遣宣撫同知段師直上表謝

壬午望月食

癸未光祿寺卿王禎為右副都御史整飭薊州邊備兼巡撫順天御史舒汀劾免

己丑岷王彥汰薨

丙申霖雨不止命順天尹禳之

七月戊朔前戶部尚書兼翰林學士李廷相卒廷相濮人州弘

治壬戌進士及第授編脩後忤瑾調兵部主事瑾敗復官至

大用贈太子少保謚文敏

庚子大理寺右寺丞朱方為右僉都御史整飭薊州邊備兼

巡撫順天

辛丑河南右布政使維昂為右副都御史巡撫河南

刑部尚書閻淵滿九年考進太子少保

陝西總兵官都督同知魏時卒贈左都督

丙午改周用兼右副都御史總督漕運兼巡撫鳳陽

己酉提督兩廣軍務兵部尚書潘鑑疾歸

免甘肅秦金靖虜諸衛旱災田租

增大同破虜滅虜寧虜殺胡拒胡威虜迎恩各堡守備官

翟鵬言虜嘗避實擊虛今知大同有備必移犯宣府或由以

窺京師宜豫計之兵部覆議徵兵將
進萬鐘兵部右侍郎入朝

壬子平涼地震

癸丑久霖雨設醮祈上帝

庚申徵太倉太僕寺各十萬金入內

辛酉虜諜劉天柱入京捕誅之

壬戌前詹事兼翰林學士陸深卒深上海人弘治乙丑進士
館選授編修歷祭酒經筵抗奏謫延平同知後累進詹事辦
博宏偉多所著述 高性 贈禮部右侍郎謚文裕

癸亥設鳳陽治農通判

罷南京刑部尚書顧璘

定各邊勘功期限量地遠近為差凡山西宣大薊遼期一二

月陝西湖廣期三四月甘肅川廣雲貴期六七月踰者罪

甲子免福興泉漳旱災田租

丙寅起韓邦奇右副都御史總督河道巡撫江西右僉都御
史張岳為右副都御史提督兩廣軍務兼理巡撫

虜入大同前衛總兵官周尚文擊敗之於黑山斬五十餘級
八月朔秉一真人少保禮部尚書陶仲文進少傅兼少保支

正一品祿壻吳濬孫陶良輔並太常寺丞

戊辰日本貢期十一年先是己亥來貢今又至非期卻之

己巳進巖嵩太子太傅

辛未天下多災傷太倉積四百萬石遂折漕十之三仍賑饑

壬申內苑嘉禾零壇靈黍生禾雙穗六十四本黍五出

巡撫四川右僉都御史丘養浩移江西

癸酉免順天永平保定河間順德大名田租

癸未增潞安通判一

起唐龍南京刑部尚書應天府尹戴儒為右僉都御史巡撫天順

九
己亥廣西土舍黃球黃寧等奏事用印以未嗣職命輦正

起王大用右副都御史巡撫四川

右春坊右諭德王用賓為南京國子祭酒

辛丑萬全都司地震有聲夜月犯星宿

壬寅科給事中徐養正上馬政六事禁馱載革占用練軍

實擇統領嚴賞罰重操練議行之

免杭湖嘉興紹興金華台衢田租

癸卯前太子太保兵部尚書王廷相卒相儀封人弘治壬戌

進士選于經術隆慶初贈太保護肅敏

己巳寧夏地震有聲

召貴州總兵官沈希儀不至奪都督銜勒赴部

丁未吏部尚書許讚兼文淵閣大學士禮部尚書張璧兼東閣大學士並直閣然不入西苑應制嚴嵩事取獨斷不復相
閔白讚等默、嘆曰何必奪我吏部使我旁觀人

提督兩廣軍務兵部尚書兼右副都御史潘鑑卒鑑婺源人

進士有節操精勤職業撫蜀平番寇採木再起家
盡瘁士論稱之贈太子太保謚襄敏王沂謚紀作襄毅
己酉周府堵陽王同鉉薨

壬子免臨洮雹災田租冰雹故

賑湖廣時饑甚岳州知府嘉善陸邛不待報發帑金易粟活
者亡筭巡按御史伊敏生始疑其擅而巡他郡饑民哀籲入
岳州哀如乃更薦之

丙辰兵部尚書右都御史熊浹改吏部尚書禮部尚書費家
回部

魯府信陽王健杜薨

丁巳署都督同知張經總兵官提督督江淮巡捕
戊午進嚴嵩兼吏部尚書謹身殿大學士

額武舉四十人

己未前刑部尚書錢如京卒

庚申榮府惠安王厚焮薨

十月辰召周用為左都御史還院

免開封衛輝慶懷彰德汝寧南陽田租

庚午追罪宣府叅將賈英論死

壬申虜將犯宣府命備之

甲戌戶部左侍郎王暉為右都御史總督漕運兼巡撫鳳陽
王良輔為署都督僉事總兵官鎮守貴州

東官廳總兵官許國往守天壽山懼虜窺陵

甲午右副都御史署大理寺事戴金為兵部尚書

十一月丙申朔廣東右布政使顧遂為右副都御史巡撫南贛汀

漳提督軍務

戊戌禮部左侍郎孫承恩改吏部左侍郎署詹事府

庚子諭禮部擒叛銷氛俱朕禱玄之功即設醮謝上帝秉一
真人禮部尚書陶仲文加少師其少保少傅如故自後南北
告捷俱謝玄

談遷曰文成五利不分衛霍之績靈素三清未預平遠之

賞令虜氛日惡羽報旁午神如有靈何不逆止之也何物
鼠輩二十年祝釐借酬幃幃並列三孤人主溺於所好一
至是耶

壬寅前南京兵部尚書張邦奇卒邦奇鄞人弘治己丑進士
館選授簡討嘗出補湖廣四川副使遷左庶子兼侍讀歷尚
書好學篤志端潔養恬贈太子太保謚文定

癸卯前吏部左侍郎歐陽鐸卒鐸泰和人正德戊辰進士授
行人歷工曹南光祿卿以文學操履名贈工部尚書謚恭簡
甲辰禮部右侍郎許成名為左侍郎國子祭酒徐階為兵部右

侍郎右僉都御史劉訥為大理寺卿

丙午以擒叛人王三遣官告謝南北郊太廟社稷及景神殿
罷賀

戶部右侍郎汪玄錫卒

己酉戶部左侍郎鍾芳卒

乙卯總督翟鵬巡撫朱方下詔獄永成方廷杖八十卒鵬至
河至務假宿民舍不留訴於鈔關主事杖其居民居民告厥
衛復逮獄卒

丙辰戶部右侍郎閔楷為左侍郎改南京戶部右侍郎夏邦

謨於戶部提督操江右僉都御史楊行中佐院
召南京國子祭酒王用賓於國子監

十仁丙寅裁南京冗官

工科給事中何雲鴈按宣府功罪

己巳巡撫延綏兵部右侍郎張聰改南京戶部右侍郎大理
寺左少卿傅炯為右僉都御史提督操江

進嚴嵩少傅

錦衣衛指揮使陸炳閱視廟工兼提督官軍

甲戌申定卹典事例

壬午右副都御史翁萬達為兵部右侍郎兼右僉都御史總
督宣大偏保軍務兼理糧餉

乙酉寧夏後衛燬芻二十萬東有竒詒吏卒奪郎中侯珮俸

庚寅封恬焯鎮康王胤柯稷山王謨塾慶陽王勤仄魯陽王
宥清石泉王宇淵承休王充煇和川王載溶都昌王

壬辰南京刑部尚書唐龍改南京吏部尚書廣東提學副使
程文德為南京國子祭酒

河南左布政使柯相為右副都御史巡撫陝西

甲午禮部請元旦受賀不許諭各竭職務則天下自安仍如

今年例行

乙巳嘉靖二十四年

正月未朔 上不視朝

丙申禮部工諸司賀表字有訛奪儀制郎中汪集俸二月

戊戌初巡閱御史李秀春劾靈壽知縣羅章調簡邑人伏闕

留吏部言保留或未盡公但巡閱視巡按專察不同容風聞

失實於是定總督清軍巡閱等止論列所屬毋混及

乙巳錄 二祖列聖御集聖學心法九經性理大全二十一

史成賜輔臣金幣校錄官右春坊右庶子兼侍講楊維傑為

左庶子兼翰林侍讀右中允兼脩撰閔如霖為左諭德右贊

善兼檢討郭希顏為左中允翰林編脩孫陞為右中允吳山

為左替善國子監司業周文燭為右春坊右中允騰錄官太

常寺卿張雷進通政使尚寶司少卿談相進光祿寺少卿餘

陞轉有差

城鎮羗四堡巡撫詹崇又于弘賜諸堡之北添設以相犄角

共築鎮羗拒墻拒門助馬云塞外四堡

丁未黃岡諸生劉文煜進瑞兔賜幣一雙鈔五百貫

靈丘地震

仍施藥朝天宮孫承恩陸炳如前命遣錦衣千戶

百戶

同道錄司官賚藥赴療宣大山西

己酉楚世子英耀弒楚主顯榕英耀狎群小王娶於吳生英耀收宮人王氏生英煥英耀淫縱見王宮人方兒悅之私蒸於外舍王知之禁方兒北園笞其狎人陶元死之居已何王與諸王泛湖登湖臺媧么兒侍英耀又悅之通之於湖亭明日英耀具筐通中使其卒金與卒良輔筐么兒致之館王怒甚發聲死二卒懼告英耀曰王怒世子之位不可保矣英耀曰然不如我先會元又謀置酒享王從之以力士王至世子

匿力士緝熙堂後曰砲可舉也酒數進犒從人饌英耀力士舉砲力士謝京首銅爪搥王王瞿然曰耀、騰出死武周王顯槐逃出而傷英耀以銅鞭、王屍迎么兒為新妃處王宮朔日殞長史孫立承奉張慶王獻等以暴風疾聞於監司幽武周王別館脅崇陽王顯休江夏王榮漠永安王顯梧東安王顯榮淑保奏通山王英煥不從而王從者朱貴扶門告變事泄巡撫右副都御史車純巡按御史伊敏生以狀上談遷曰春秋弒父以三見蓋梟獍之性非人類所有也英耀大逆始於婦人夫子繫易家人曰父、子、兄、弟、

夫、婦、而家道正、家而國定矣。緝熙堂不足儲者抑
愍王之正家非耶

庚戌冊敬妃文氏不御殿

癸丑雲南崇自縣地震有聲

兵部右侍郎路迎兼右僉都御史督脩宣大偏關山險

甲寅輸大同粟十萬石於宣府

戊午刑部左侍郎屠僑為南京刑部尚書

庚申陳瑞嗣泰寧侯陳璉弟

浦之浩郵懋卿王忬路可由劉瑄陳九德張洽魯佩胡彥周

冕張椿徐祚並為試監察御史

辛酉朝鮮攝國事李皓以國王李婁來訃皓婁之弟

閏正月甲子朔刑部右侍郎喻茂堅為左侍郎右副都御史韓邦

奇為刑部右侍郎

戊辰大學士嚴嵩言臣每獨蒙宣召於心未安思往歲夏言

惡與郭勛同列以致生隙夫臣子比肩事主豈宜嫌異今臣

希忠臣元臣讚臣璧乞同宣召如祖宗蹇夏三楊故事報

聞嵩蓋欲示厚希忠等且見言妬也

吏部右侍郎張治為左侍郎兼翰林學士署院

壬申錦衣衛都指揮同知陸炳署衛事

巡按直隸監察御史呂光洵言三吳之地古稱澤國西南受太湖諸水其勢卑東北際海岡隴地其勢高昔人以水下流跡為塘浦導湖水入之江海又故引江潮行岡隴外故澚泄有法亡憂旱潦邇者俱堙塞惟黃浦劉家港僅存今欲治之宜如先臣徐晉令諸湖相承接然後濬減村等港溉金壇溧港等河溉武進艾祁通波溉青浦顧浦吳塘溉嘉定大厓等浦溉崑山許浦等塘溉常熟而上下之涿俱治又蘓松諸郡所在最下雖濬塘浦猶不能保諸湖無橫溢如有秋霖值風

濤相薄勢必逆行田間衝啗為害宜可令農隙各出力以脩圩岸此非獨防潦也且以制諸水不漫行江海浪涌勢易淤澱昔人於去江十里餘夾涿為閘隨潮啟閉遏浮沙大可脩歲脩繁費似宜倣行之誠於諸役度急緩為先後更借緡錢資贖鍰以資費又如宋范仲淹召饑民募役復專任大臣寬以歲月若巡撫周忱在吳中功何患不成詔悉如議

癸酉遣戶部郎中李愈覈真定軍儲

甲戌兵部尚書戴全劾罷留路迎署部事

乙亥賑廬滁和饑

丙子禮部右侍郎徐階改吏部起于湛右副都御史總理河道

丁丑太子太保南京吏部尚書唐龍改兵部尚書

戊寅金星晝見

己卯命朱希忠嚴嵩親 東宮同許讚張璧熊浹

癸未詔徵兗州馬價三年興濟一年閔水災也

甲申叙功進總督陝西張珩右都御史咸寧侯仇鸞太子太

保廕錦衣衛鎮撫

都御史戴時宗以子罪劾免

乙酉起服闋工部尚書張潤於南京吏部召南京禮部右侍

郎崔桐於禮部

廣東 布政使應大猷為右僉都御史巡撫雲南

丁亥柳震龍嗣安遠侯

戊子岢嵐州右叅將高賜永成邊衛賜與知州馮友有卻族

中軍指揮僉事王尚武縱卒辱之分帑

己丑詔中外嚴禁奢靡從禮科給事中查秉彝之言

叙黑山功進大同總兵官周尚文右都督巡撫詹榮右副都

御史

復前雲南巡撫右都御史顧應祥官

辛卯禮部右侍郎盛端明予告

壬辰桂林雨雹

癸巳續纂大明會典自嘉靖八年始總裁大學士嚴嵩許讚
張璧副總裁吏部左侍郎孫承恩纂脩官左春坊左諭德閔
如霖左中允郭希顏右贊善吳山司直郎呂懷謝少南翰林
修撰茅瓚檢討林庭機編修李璣趙貞吉教銑郭朴康太和
稽世臣袁燁黃廷用陳東光王維禎盧宗哲
二湖成遼東東新安清河潁陽蘄城五堡比歲值虜患至是

游擊

叅將武鏜守備韓成式除名指揮常鵬等七人下

臺訊降巡撫董珊總兵趙國忠副總兵郝承恩俸二級

總督直隸河南山東軍務兵部左侍郎張漢請選將練兵信
賞必罰得專斬大將上不悅令再議兵部覆上凡罪將下
法司

庚子初禮科右給事中陳棊請帝王廟罷祀元世祖禮部議
如之遂徹兩京廟像并墓祭改廟祀碑

談遷曰聖祖岐涿羶俗顧於世祖則祀之列於三五歷
代獨不明春秋之義乎哉華夷雖嚴既入我之土亦安能

外之且其都幽燕定中原非世祖始也乎宋而遺安天下者殆百年故聖祖念其先德以祀之大哉聖祖之為君也必以春秋繩之舍目前之僣咎吉囊而問勝國土木之像雖三尺之豎能之何論嚴主哉

癸卯巡撫四川右僉都御史丘養浩改巡撫江西劾免甲辰議皇太子冠禮方十歲太廟將成欲工謁

丙午命江西撫按存問前吏部尚書羅欽順八十賜終醴戊申詔有司招撫沃移復業給牛種墾田

丙辰禮部尚書費臬等上冠禮儀注至是又言文王年十二而冠成王年十五而冠大明集禮酌二十五今東宮似

早上切責之臬等以儀繁宜稍減報可廣西古田盜韋公珣等作亂

丁巳大同東路右叅將紀振殺降冒功論死庚申裁工部都水司筦南旺閘主事虞衡司筦節慎庫主事

三丁卯翰林檢討張緒為湖廣布政司右叅議乙巳歙縣大雨雹

辛未吏部內計奉上升黜如議惟戶部主事桑志道工部主事周玉御史謝瑜如貪酷例削籍刑部主事朱執中落職出

考功上

壬申祈年朝天醮五日

丙子秦州地震

丁丑和川王府奉國將軍克灼潞城王府鎮國中尉俊振等

行劫奪歲祿

戊寅吏部擬京堂自陳常罷者 上特留右通政顧可學以

藥餌也

壬午內計拾遺工部尚書署通政司事鄭紳南京戶部尚書

周金工部右侍郎陸杰南京戶部右侍郎張聽太常寺卿劉

鼻南京光祿寺卿張袞並罷右僉都御史王儀光祿寺卿陳

煥南京翰林侍讀學士華察左司直郎兼檢討謝少南並調

外逮兵部左侍郎張漢、少以諸生侍 上籓邸故寵賜甚

厚特恩不法教通苞苴前請總督斬將立威 上銜之至是

吏科都給事中盧勳等數其罪下獄戍鎮西衛

癸未左副都周煦卒煦吉水人 進士痛母許氏抱

節以沒既貴衣食少甘美涿涕卻之曰吾母未嘗享此也著

三窮圖備述先世孤苦贈刑部右侍郎

賑應天

饑

都御史萬鏜劾

還朝

戊子南京禮部右侍郎徐問為南京戶部尚書南京太常寺少卿蔡子舉為通政使河南按察使孫錦為右僉都御史巡撫宣府大理寺少卿蘇祐為右僉都御史巡撫保定

辛卯諭東宮冠禮秋行之

南京刑部郎中唐侃卒侃丹徒人正德癸酉貢士令永豐以治理稱遷守武定值章聖梓宮南祔從闕橫甚侃先置空櫪於旁舍及諸人索賄佯許之引指其櫪曰吾已待死矣錢不可得也以是著節少師丁璣嘗曰酒使此心無愧神明

壬辰江西左布政使盧蕙山東左叅政傅鳳翔並為右僉都御史蕙巡撫遼東鳳翔巡撫甘肅

謫兵部武選司先後清黃主事項喬鄔閻熊過何中行顧紳賀府牟朝宗葛縉以司吏畢文舉等盜冊妄增功并鈐偽璽冒襲千戶侯泰等三十八人至是奸敗故喬等陞任皆調外餘罪有差

四 癸巳朔福建左布政使姜儀為右副都御史巡撫湖廣

保定副總兵都督同知周徹為總兵官鎮守薊州

乙未 上閏歲嚴諭戶工二部加惠賑卹并治貪殘

丙申尚寶司少卿嚴世蕃為太常寺少卿署尚寶事
丁酉前工部右侍郎韓士英為南京戶部右侍郎

戊戌兵部尚書唐龍提督團營

壬寅命司禮太監溫祥駙馬都尉

刑部右侍郎喻茂堅

錦衣衛指揮使袁大章按楚獄蓋巡撫都御史車純御史巡按伊敏生以

英耀裁逆聞

癸卯巡撫應天右副都御史丁汝夔為左副都御史

乙巳雨群臣表賀

丙午戶部左侍郎閔楷為南京禮部尚書

增陝西岷州隸鞏昌

戊申定去冬宣府失事罪總兵卻永降俸薊州巡撫王儀降

調

己酉停工部鬻爵事例

裁大同副總兵并免姜輿

丙辰刑部署郎中趙文華為通政左叅議

戊午戶部右侍郎夏邦謨為左侍郎撫治鄖陽右副都御史

歐陽必進改總督糧儲巡撫應天

己未起趙卿署都督僉事提督西官廳

庚申命內使行人往賻朝鮮
停浙江江西刷卷歲灾故

五月戊朔日食

甲子南京吏部考功郎中薛應旂調外初嚴嵩銜南京科
給事中王燁之首劾也令尚寶司丞諸傑東應旂斥之應旂
以白尚書張潤止之而傑故南京兵部主事有貪跡至是斥
又常州知府符驗前南御史也被調於是福建道御史桂榮
劾應旂私怨斥其鄉郡守 上以考察不欲變第請應旂
乙丑逮巡按福建監察御史何維柏維柏論大學士嚴嵩奸

邪宜罷嵩跡辨以禮部右侍郎盛端明請藥 陛下自問其
姓名而謂臣薦之右叅議顧可學進秋石方書寓臣所曾請
別館居住而謂臣奏之 云 云 工慰留嵩逮維柏

己巳工部尚書樊繼祖光祿寺卿陳煥南京刑部右侍郎郭
持平並免太僕寺卿毛渠調南京左春坊左庶子郭希顏調
外南科拾遺

辛未吏科給事中李文進御史趙炳然往宣大山西覈嘉靖
十五年後邊費

右副都御史任維賢撫治鄖陽

甲戌遣內官

封朝鮮國王世弟李崐為王

丁丑夜月食

庚辰罷宣府總兵官卻永趙卿代鎮

癸未誅楚世子英耀礫護軍徐景榮等三十六人斬長史孫

立承奉王憲張慶

乙酉灾傷停順天今年刷卷

戊戌故總督兵部尚書兼右副都御史翟鵬卒於獄鵬撫寧

人正德戊辰進士

談遷曰翟鵬習兵事其在宣大即未能逐虜亦無豐敗投

荒徒布可也老填獄戶又非其本罪從厥衛致之條侯嘆

獄吏之貴有餘涕矣

免太原平陽潞安旱灾夏稅

己亥加大同歲餉十五萬四千二百五十三金

庚子進河南歸德州為府增高丘割睢州考城柘城隸之其

寧陵鹿邑虞城永城如故

免保定河間真定順德廣平大名旱灾田租

辛丑上御無逸殿諭禮部尚書費宗太廟禮儀既從舊諸

樂章器物四祭歲祫亦如之罷大禘之禮

壬寅湖廣道試監察御史鄢懋卿言 太廟初成不可遣祭
工以遣代係舊制再言者罪之

乙巳貴州道試監察御史周冕言 太廟告成乞秋期親享
上怒其抗旨下詔獄謫

談遷曰 太廟及仁壽宮先後俱災 太廟以五載成仁
壽宮近不過百日則臣工趨事之意可見也 上深宮靜

攝時親舉玉趾於雷壇玄極間而 祖宗陟降未歇穆、
之章將天人異觀乎

壬子總督宣大總兵官右都督張鳳仍提督西官廳軍務

乙卯免延安鞏昌平涼鳳翔慶陽西婁旱災田租

丙辰吏部尚書熊浹諫止仙箕 上以章示嚴嵩、代為解
乃釋

己未定太廟位 太祖中焉左四序 成宣憲睿右四序

仁英孝武

大享殿且成名皇乾殿 藏神版

發太僕寺十四萬四千金市馬於直隸河南山東

七月辛酉朔奉安 皇祖列聖帝后神位於太廟遣代

吏部尚書熊浹滿六年考進太子太保

壬戌廷臣表賀詔赦天下

甲子廢太監高忠錦衣指揮僉事陳準馬廣王朝張陽並有
戶成國公朱希忠百戶進嚴嵩太子太師讚少傅張璧太子
太保工部尚書甘為霖少保兼太子太保禮部尚書費霖太
子少保兵部尚書唐龍太子太保錦衣衛都指揮同知陸炳
都督僉事餘各陞賞有差

制勅房通政司通政使張電進工部右侍郎
辛未應天府丞王學益浙江右布政使蕭一中並為右僉都
御史學益巡撫貴州一中巡撫四川

丁丑工部右侍郎文英子廢文思院副使至是乞加廢改鴻
臚寺序班工科給事中張元狎以梓人難之不聽
戊寅前刑部左侍郎葉相卒

庚辰聞虜聚東勝州勅各邊嚴備
辛巳嚴嵩請寬何維柏獄維柏在道久嵩不測 上意以嘗
上竟廷杖

癸未成國公朱希忠以廢錦衣百戶移其弟錦衣指揮同知
希孝許之進希孝都指揮使視事

乙酉提督兩廣右副都御史張岳以廣東封川叛種廣西馬

年來賓叛犢請討從之

丙戌西海虜酋整克款甘肅乞徙內地下督撫酌之

令宣大總督駐陽和城便節制

丁亥以朝鮮人航海失風派上海命歸之金砮等十一人

虜入延綏犯安塞保安副總兵李琦戰不利

戊子祀漢太守廉范宋 崔與之於成都四賢祠

庚寅南京右僉都御史傅炯還院河南左布政使張時徹為

右副都御史巡撫四川

八 辛卯朔進朱希忠崔元巖嵩俱少師

起太常寺卿兼學士署院進禮部侍郎南禮部尚書改北性

薦慎久在講幄多啟沃其輔政無聞焉贈少保謚文簡

癸丑廣寧衛地震聲如雷

乙卯故國子祭酒陳敬宗謚文定

丙辰左春坊左司直 郎兼檢討呂懷為南京國子司業

虜入遼東長勝堡殺守備張文瀚

戊午直隸龍門衛地震有聲

建州右衛酋李撒赤哈屢患邊至是被擒梟塞工

馬房草場火

虜犯大同中路總督翁萬達以故總兵張達將右戰鉄裏門虜卻故叅將張鳳將左戰鵝峒殺傷大當虜忿曰南軍不數百我以數萬返何以復軍乃圍鳳戰死磁人王邦直興化成諧俱諸生驍武從軍提大刀獨殺數十人闕沒虜氣奪南下陽和萬達身禦虜伏兵白登村總兵官周尚文來援未及六十里鼓噪虜宵遁邦直有絕力能舉千斤兼通設畧事母極孝慷慨赴義有國士風給事中薦于兵部檄送總督

翁萬達客遇之虜入大同萬達計其必經陽和而鵝峒峒要區也以叅將張鳳往邦直副之果攻峒亟鳳等以强弩射卻

之攻益衆邦直躍馬直前分衆結方陣拒之射皆命中斃七騎胡騎益合圍鳳見殺或勸創邦直達營歎曰至午得援兵雖傾國來不足禦矣因奮擊而屍擁其前不克展乃弃大刀提鉄簡四擊漸困知不免大呼曰天也拔佩刀自刎邦直雖死所殺傷幾五六百人虜惧退事聞贈指揮僉事廕子世千戶諧贈指揮僉事子世百戶立祠于陽和嚴嵩言玉牒事宜第一冊有總圖而備載天潢世系所以表帝王之統合同氣之親今宗派蕃衍仍用前制不惟紙狹難備而字跡微眇不無遺漏混淆臣等竊倣古史年表之法以

橫格分代列名氏其上各派子孫通書於下庶世次不紊一
覽可見又當以帝系為宗統如懿文太子秦晉二王不敢以
加成祖之前又雖係長出但既殤追封如悼恭太子岳懷王
哀冲太子不列於圖前所以尊帝統也又壽春王仁祖之兄
南昌諸王 太祖之兄舊列於帝系之前今移置於本支之
後謹上帝王世系總表

九明子禁陵祭官託故代行御史黃如桂言之

乙丑光祿寺卿及宦為南京右副都御史提督操江

丙寅吏部文選郎中劉塾為通政司右通政令於各部司通

用毋循資調補

戊辰遼東長勝堡指揮王勳孟儒嘗匿逃夷及虜入寇韶殺

逃夷冒功事泄奪總兵趙國忠職立功

己巳陶仲文往太和山祝醮

庚午復太廟時享四五朔

旱災詔浙直江西湖廣河南田租折徵

辛未復逮楊爵周怡劉魁於獄

壬申禮部尚書費寀請留用儀制郎中周琬祠祭郎中高簡

臣方賴之又大理寺評事孫學思假嚴嵩之名求出使臣執

不與學思嵩私人也多機警好以萑菲中臣、以孤危而失此二臣助愈難自立矣因乞休 上以托指攻訐切責之時上微覺嵩橫張壁死思用夏言案故善言而不能得嵩意故偵之

丙子發帑四十萬金分各鎮防秋

丁丑勅召大學士夏言行人張鍊往促之

吏部尚書熊浹擬刑部郎中翁大立補文選郎中吏科都給事中楊上林言大立傾險上責吏部奪浹等俸三月

己卯朝天宮秋報大醮六日

甲申前遼東巡撫右副都御史孫禴調光祿寺卿

丙戌復故總兵張鳳原官

己丑何卿為署都督僉事總兵官提督東官廳

十月辰先是大同平虜威遠玉林渾源陽和山陰各草場火總督翁萬達疑其奸適科臣覈邊邏卒於胡峪口獲闖穴者王儀云虜酋青台吉俾入山陰縱火既代府和川王被盜詞連襄垣王 國中尉克燉等所司拷其家僮不承第云分人縱火草場於是捕治其客李錦等云奉國將軍克灼及克燉等八人勾虜不軌先焚積聚也會克燉等所勾虜者衛者衛俸

等四人闖出塞獲之事聞誅儀逮充灼等下詔獄翁萬達言
大同瘠隘祿食不給且地邊胡易生反側請量遷和川昌化
等於山陝就食而襄垣初自蒲州徙宜還本封禮部議止徙
和川昌化等報可

癸巳作琉璃河橋發帑五萬金

甲午諭停刑

禮科給事中查秉彛工言宗藩議封祿河南山東山西王府

方重恩典按會典斟酌肅間教各藩設有樂院宜申杜文結

禁土豪投刑定飭藩度擇王官私婚上從之狎倡之禁

戊戌巡撫湖廣右副都御史車純免初藩變求去不許至是

薦各司二十餘人謂避難市息也

己亥勞山西宣大三閩吏卒十萬金

庚子免大同旱災田租

壬寅成山伯王洪卒

丁未吏部尚書熊浹奪俸六月初南京戶部員外郎焦希程

坐草場火降調南京吏部題實授官悞列希程決等覆如之

致詰責

戊申貴州龍里衛長坡山箐苗作亂

壬子增綏德守備米脂把總各一

乙卯陝西左布政使龔亨為右副都御史巡撫河南

丁巳夜火星犯氏宿

許代府輔國將軍表相嗣交城王初表相祖交城王鍾鏞薨再傳至表杅亡子從弟表相求襲屢駁奏不決

戊午進錦衣衛千戶許瑒一秩故江西副使許達子至是錄

許達守樂陵功

十貳庚申朔奉皇穹於大高玄殿設醮

翰林院編修郭朴為侍讀檢討黃廷用為脩撰

十貳壬辰翰林院庶吉士林樹聲服闋授編脩

癸巳太子太保兵部尚書唐龍改吏部尚書

濬南京後湖

甲午祈雪

庚寅巡撫四川右副都御史張時徹總兵官都督僉事何卿

攻白草番都指揮丁勇以六千人進石泉游擊龔銳以四

千人進壩底曹克新以三千人進龍州

錦衣衛署都督僉事陸炳為都督同知巡捕都指揮使袁大

章為都督僉事俱輯捕功

丙申覈虛銜及雜派牙牌

戊戌大霧川兵銜枚先發奪走馬嶺連敗之擒叛番李保等
斬一千有奇俘五百餘人

庚子裁永州撫民通判

壬寅給事中李文進御史趙炳然報宣大邊費奪巡撫唐榮
曾銑等俸三月前巡撫史道樊繼祖等閑住削籍有差

浙江昌國衛指揮僉事馬光等失守遣戍署都指揮僉事李
奎詐報降秩海門衛指揮使朱思俞縱下獄俱巡按御史高
懋劾奏

甲辰給太傅兼太子太傅成國公朱希忠駙馬都尉崔元三
代贈誥吏部言勲臣爵高公孤止深階尊而兼卑非舊典不
聽

兵部左侍郎路迎為兵部尚書兼提督團營右僉都御史端
廷赦為左副都御史

給宣大牧馬二萬八千金每匹一金採草不出塞外

乙巳南京禮部尚書閔楷改南京戶部尚書

戊申少師兼太子太師吏部尚書華蓋殿大學士夏言入朝
進嚴嵩少師言復據嵩上愈驕凡有所擬旨行其意不復顧

問嵩、唯、不能吐一語、心恨甚、故事堂撰言與嵩對案、不食大官供、而自携庖、甚豐、亦不以及嵩也。

己酉封載堉淮世子載堅建昌王厚燿嘉興王厚燾紹興王厚焄永豐王祐櫟順昌王載堉鄭世子顯坦保慶王賓沙汶川王載封武定王載邛平度王睦櫟儀陽王睦杉會稽王融焚襄陵王厚壘陽山王恬熒沁陽王恬柝沁水王

辛亥吏部右侍郎王學夔為南京禮部尚書南京大理寺卿婁志德為右副都御史巡撫山東

甲寅臧珊徐自德李珊劉起宗諸葛峴雷賀徐良傳宋伊楊思忠鈕緯黃宗概張思誠並為給事中蕭世延陳執盛汝謙謝應徵張英吳相李廷松宋治陳松劉陽王士翹邢尚簡魏希相馮薦楊順莫如爵並為試監察御史賀思誠順治廷松如爵並南京

前太子太保兵部尚書劉天和卒天和麻城人正德戊辰進士授南京禮部主事拜御史按秦州鎮閣廖堂逮獄謫金壇丞屢遷守湖州歷山西副使太常少卿進撫甘肅陝西總河歷總督三邊有軍功入本兵有文武略閑任必見稱其治水防邊尤著所作輕車強弩乘沙量水諸器皆永利也贈少保

謚莊襄

徐斌曰予觀武侯卒于渭南能使廖立李平垂泣自隕君子以為難公按陝被搆以檻車徵秦郭鎮等二人痛其冤以死殉車下夫痛武侯者泣絕于身後而痛莊襄者泣絕于生前此豈可以智術襲取哉楚士周元孚曾云公勒兵花馬池為吉囊所圍不食三日矣部將周尚文偽為公潰重圍出瀝血戰出公于數十萬衆中大致克捷人之効死力于公率類是哉又云古亭土神靈異每遇公戰神現軍士上士驚喜益奮迅敵望見駭散公又得神助其感格神明者惟忠誠一念忘身而殉國者也公抱靈異佐順盛天冥篤之已

贈義民賈得山西平王簿正德中盜劉宸等攻西平得山從縣王佐力戰三日夜殺數百人城陷死舉家沒三十七人丙辰寬南京鋪戶

徐斌曰十行 劉去毒

丁巳

為吏部右侍郎

罷湖貴總制以事屬貴州

朱國楨曰川廣湖接境無之非苗川則酉陽為蔽勢不相及雖屬湖廣道里甚遙難於節制去貴甚近兼攝頗便然

貴土瘠民貧方仰給外省其勢甚弱自保不暇安能制苗
乃發十五年已設之總督而歸併於貴皮林之役又以四
衛屬之窮山獨坐之人責之伸手百里外撲久聚之盜窟
不可可乎自武昌而上抵貴州名山大川限隔數千里苗
猶自戀其穴豈無追者游奕上下輒起悲中間無一重臣
作鎮氣勢何由聯絡號令安得疏通若開總府於沅以貴
之銅越川之歸夔楚之衡永辰常隸之兵自足用與以楚
稅十三川稅十二就中即以三之一濟貴裁川貴雲之下
際楚江吳之上游前特漢中後引兩廣百貨疏通節宣
有法不但諸苗俯首聽命而湖山大盜亦資彈壓奈何聽
其日虛日啟視若甌脫置之度外貴日取給於楚亦益
億無救於貴至今相仗則謀國者之悞一失而萬有餘喪
也

平涼人曹某自號大王丞劫涇卻指揮吳嵩誘擒其兄弟五
人移獄鳳翔盜劫去久之獲誅

丙午嘉靖二十五年

正月未朔上拜天玄極寶殿出御奉天殿受賀朝是日雪

丙寅松滋王寵列薨

戊辰兵部右侍郎萬鏜為左侍郎

庚午大理寺卿劉劬為吏部右侍郎

撫寧侯朱岳命提督西官廳總兵官聽征

癸酉元夕宴群臣午門外

丙子慶元王祐梏薨

己卯沅江土舍那鑑殺叔土知府那憲奪其印詔討之

庚辰通倉粟廩改京衛軍給於京倉不為例

分遣刑部郎中等官郵刑京省

南京龍江右衛指揮僉事蕭勇以祖籍永平乞調原衛不許

命自今求者外勿聽

甲申工部請遣官徼外省逋課上憫災第檄往

丙戌貴州道監察御史周冕請東宮講學上怒其擅議謫

雲南通海典史

吏部覆薦遺佚工部尚書章拯兵部侍郎劉源清等三十人

工以極等黜當其罪餘又年老非才俱寢

土魯番馬黑麻速檀據哈密求入貢許之其求地內遷不許

二戊子朔正江西陶器一年

己丑築大同長城總督翁萬達與巡撫唐榮議曰今堡塞雖

備而外拒守必得長城長城必有臺利于旁擊臺必置屋以處戍卒近城必築堡以休伏兵城下數留暗門以便出哨自和至宣府李信屯舊無城自了角山至陽和舊有塹或城而不固于是議通築補故創新凡三百餘里敵臺暗門如制東路邊墻鉄累門鷓鴣峪瓦窰口

壬辰益陽王睦楮薨

癸巳巡撫山東右副都御史婁志德卒

乙未集宣大援兵

停各處募丁惟河南山東民兵訓練候調設大同鎮羌助馬

二堡守備官拒墻拒門二堡操守官

戊戌行聖公孔聞韶卒子貞幹嗣

朝鮮攝國事李峴送通夷者六百十三人 上義之其人俱

漳泉下巡按福建御史訊治

癸卯春祈大典行於雷震洪應殿

封代世子廷琦

壬子南京戶部尚書閔楷總督糧儲都御史劉渠劾免

封川縣穠賊平進總兵秦寧侯陳圭太子太保提督右副都

御史張岳兵部右侍郎賜金幣

癸丑戶部尚書陳經改禮部尚書署通政司巡撫江西右副都御史虞守愚為大理寺卿

三戊午朔增甘肅高臺千戶所

虜入甘州中衛都指揮僉事周廣等罪戍

庚申逮巡按湖廣監察御史包節戍肅州時承天守備太監廖斌橫甚節欲繩之語泄斌因候節謁陵遽徹膳誣節麾出之庄民訟斌庇奸豪周章等以指揮黃恩劾收章下同知范昕訊治章死斌遂訐節元旦不謁陵又麾膳大不敬而節

奏後至謂飾罪遂逮節昕恩勛節等永戍昕恩勛各戍邊

徐學謨曰承天為龍潛之地其守備故驕恣部使雅欲抑之為朝廷存三尺也然體亦吾敵耳不可先有成心且包節以元旦次日謁陵而又刑斃其私人廖斌之罪雖在不赦而節之自處毋乃太踈乎

甲子永禧仙宮成醮謝九日停刑禁封

總督陝西兵部右侍郎張珩為戶部尚書提督倉場兼理西苑農事戶部左侍郎夏邦謨為南京戶部尚書巡撫甘肅左僉都御史傅鳳翔移江西

乙丑前撫治鄖陽右副都御史詹瀚總理河道順天府尹高擢江西布政使何鰲並為右副都御史提督南京糧儲鰲巡撫山東

太倉州海盜平

戊辰四川白草番作亂攻陷平番堡

閔執把總丘仁殺

百戶耿爵巡撫都御史王大用副總兵高崗劾免署都督僉事何卿領副總兵官分守松潘

丙子起張經兵部尚書總督陝西三邊軍務巡撫陝西右僉都御史柯相改河南進右副都御史山東布政司左叅政楊

博為右僉都御史巡撫甘肅

前刑部尚書高友璣卒友璣龍游人弘治庚戌進士授南京

刑部主事歷撫大同安重有操不避權幸家居布疎終其身

年八十六

己卯左都御史周用滿九年考進太子少保

癸未賑兩淮竈民

乙酉起任惟賢南京刑部右侍郎河南左布政使謝蘭為右

副都御史巡撫陝西

四戊子廣陵王陵觀薨

庚寅總督陝西張珩言臣先備虜十二月虜踏冰不能入
上責其無事言功仍徧諭各邊督撫

辛卯王維熊嗣成山伯

己未巡撫山西兵部右侍郎曾銑總督陝西三邊軍務

丙申山東左布政使葉照為右副都御史撫治鄖陽

戊戌河清王安涸薨

兵部定招降賞格

庚子前廣西署都指揮僉事萬表為署都督僉事總兵官提

督漕運鎮守淮安

辛丑陝西布政司左叅政楊守謙為右僉都御史提督鴈門

等關巡撫山西

甲辰前署都督僉事張達克副總兵官協守宣府

丙午潁州大雨雹捐麥禾

庚戌群臣表賀靈雨

五月己沘州地震

癸亥安南都統使莫福海卒

乙丑安平侯方銳卒贈太保謚榮請子承裕嗣以 皇后濟

難功不為例

授磁州王化獨守禦千戶所正千戶 邦五子

逮鎮江知府林華以擅徵赦後贖錢掠死多人已削籍

丙寅南京右春坊右中允李本改左中允

戊辰南京刑部右侍郎任惟賢前撫治鄖陽踈留鄖陽知府

柯實卿蓋貪酷見劾者至是吏科都給事中楊上林并劾惟

賢免官

延綏隱敗兵科給事中鮑道明御史曹邦輔核上逮總督張

珩巡撫張子立總兵吳瑛叅將楊銳各治罪珩子立戍邊瑛

銳立功

虜俺答阿不孩遣使保兒寨款大同左衛求貢九白駝九白

牛白馬及金銀各一謂講好申前約邊卒徂石天爵事仍殺

使者三人報首功總督翁萬達上言虜情雖秘第當謹備王

者待夷秋來則勿拒今歸我漢人 玉林衛百戶遣彼族類懇

求通款借曰不許猶當善其詞說乃誘而殺之此何時也曲

既在我且擊弓報怨請亟正法榜之塞上明非朝廷之意兵

部竟議貸罪第嚴兵待之報可

辛未少保工部尚書甘為霖劾免

壬申盜甲廠火

癸酉河南右布政使張問行為右副都御史巡撫延綏
發六萬金賑延綏

甲戌右僉都御史傅烟為左副都御史

岳州知府陸邛為太僕寺少卿

壬午起前南京太僕寺少卿朱廷立為右僉都御史

甲申南京右都御史王以旂為工部尚書大常寺卿潘璜為

戶部右侍郎

六 朔戌朔土魯番馬黑麻連檀貢馬

宥大同游擊戴昇張文懿山西都指揮僉事潘棟守備寧武

閔雷澤神池堡高宗泰寧叅將賈英死戍邊立功

丁亥巡按廣西監察御史馮彬請大征獐狍兵部以廣西獐

人半之程人三之民居二之事難卒舉下撫按集議 上是

之

戊子張經高擢劾免

庚寅廣昌縣大雨雹

前太子太保刑部尚書張子麟卒 藁城人成化甲辰進士

壬辰服闋國子祭酒王道為南南京太常寺卿

癸巳兵部尚書路迎被劾免

甲午總督右都御史王暉為戶部尚書總督倉場兼理西苑
農事大理右寺卿楊冝為右僉都御史提督南京糧儲

辛丑增陽和兵備副使

辛亥前吏部左侍郎兼學士董祀卒祀字文玉會稽人弘治
乙丑進士授編脩忤瑾謫成安令補刑部主事改吏部瑾誅
復官進侍讀歷諭德侍講學士詹事博學能文性峭直佐銓
絕請託多賈怨坐聞喪落職已事白贈禮部尚書謚文簡
署通政司事禮部尚書陳經改兵部尚書提督團營
壬子刑部左侍郎喻茂堅為右都御史總督漕運兼巡撫鳳

陽

七月朔遣祭先聖歷代帝王陵墓

戊午霖雨諭吏部革弊政戶部賜銀米賑卹

增貴州解額五人

大雷電

己未吏部尚書唐龍削籍廣東道監察御史陳九德劾前吏
部文選郎中高簡貪縱下簡獄杖戍吏科都給事中楊上林
給事中徐良輔先不糾正事敗上章俱削籍切青龍除名左
右侍郎徐階韓邦奇鐫二級

壬戌宣武門外夫寧寺建壇聚衆命錦衣衛捕治仍下禮部
禁榜天下

甲子左都御史周用為吏部尚書

翰林侍讀學士郭朴右春坊右中允孫陞主試應天

乙丑虜犯宣府北路龍門所叅將董麒不即報遽擊斬三十

餘級明日守備陳勛戰死游擊呂陽戰三日敗歸宣府游擊

將軍呂陽以營兵屯新河口叅將董鎮分守北路相會議出

塞襲擊李家莊諸虜至其寨斬三十餘級還會大雨虜追及

兵不能戰遂敗麒懼先入塞陽亦聞閔獲免守備陳勛死焉

失騎百餘人事聞麒等俱抵罪

丁卯戶部尚書王果條財用十事有旨漕糧減折各邊奏乞

者不得妄許山場湖陂官稅屬王府者勿擾奪曠役工食亦

免追餘如議行

戊辰逮遼陽清河失事指揮孫沈等十一人

總督翁萬達上俺荅阿不孩求貢番文令再詳詰兵科給事

中徐自得極言虜不可信部覆亦如之令再詳詰

癸酉故太子太保吏部尚書唐龍道卒龍字虞佐蘭谿人正

德戊辰進士授郟城令拜御史出按雲南江西言事著績歷

總督陝西勞績尤著稱一時才臣以刑部尚書終養復起南
刑部尋改兵部加太子太傅轉吏部乞休削籍出都門三十
里卒有司莫敢以聞晚註悞削籍後子修撰汝楫奏復原官
贈少保謚文襄

文徵明曰公少從學章文懿之門得淵源學優行端為文
章謹嚴典重有左氏先秦風精詣閱肆號稱作者馭歷中
外隨試輒效聲望偉然而西師俘馘之功為多謚曰文襄
謂公足以當之矣

甲戌內苑醴泉出廷臣表賀禮部尚書費采上醴泉頌

進翁萬達右都御史兼兵部左侍郎大同總兵官右都督周
尚文進太子太保左都督餘各陞賞邊牆功

乙亥南京兵部尚書采景為左都御史戶部右侍郎劄為
左侍郎

虜犯保婁慶陽大殺掠總督曾銑遣叅將李珍出塞夜襲之
斬百十一級捷工巡按監察御史盛唐言敗狀命覈之
已卯作宣大火器

貴州黎平野犬沿城夜吠明年五開軍謹

荆門州黃陵陂左一山高數尋一夕失之成平地

八月寅甘肅天鼓鳴

左春坊左中允

右春坊右贊善吳山主試順天

壬辰前太子少保南京戶部尚書周金卒金武進人正德戊辰進士授戶科給事中九載彈劾不避權貴敷歷中外勞績甚著贈太子太保謚襄敏

俺答由青泉堡入寇宣府北路靈州守備易綱聞警以數十騎馳至永鎮堡據險射之游擊將軍陳言介而馳寇少卻綱跳入言軍請身為鋒遂同進赤城守備戴綸又以家丁邀擊奔被掠人畜逐出塞而還

癸巳加封真人陶仲文神霄紫府闡範保國弘烈宣教振法通真忠孝秉一真人掌道教事工部帶俸尚書盛端明顧可學並為禮部尚書

戊戌涿星天如斗自中天涿西南行至濁

己亥平虜衛地震

壬寅脩京城九門雨損者

裁邊將奏帶人數

丁未舉秋報大典醮朝天宮三日

壬子免畿內山東水災田租

陝西保安縣歲貢生任時上所撰道學叅兩頁明圖其說不
經下法司削籍

虜犯鎮原縣東北石家堡大殺掠

九丙辰南京工部尚書胡訓改南京兵部尚書

丁巳吏部擬戶部主事王尚學禮部司務李世德調本部不

許命如嘉靖十七年詔毋更調啟兢

巡撫南贛汀漳右副都御史顧遂為南京刑部右侍郎

定捕盜賞格

癸酉起范懿右副都御史巡撫河南

貴州銅仁等司及湖廣鎮筸諸苗復叛

甲戌柳州馬平等賊平進泰寧侯陳奎太保

己卯免鳳陽淮安揚宿水災田租

庚辰吏部右侍郎韓邦奇為右副都御史工部右侍郎文明

為左侍郎召南京戶部右侍郎韓士英於工部起服闋光祿

寺卿為通政使

辛巳虜犯錦義明日大至圍叅將周益昌以指揮鍾世威援

至夾擊斬三十餘級俘二人

甲申廣東布政使朱統為右副都御史巡撫南贛汀漳

丁亥虜犯清平堡游擊高極中伏死

十朔子南京太常寺卿王道為南京戶部右侍郎

辛卯金星晝見

癸巳奉國將軍克灼及俊桐克焮克焮俊標俊標俊棠俊振俱伏誅餘罪有差

內使侯章論棄市以母支解侍兒投甕中也

甲午論囚五十八人首建昌侯張延齡總督薊遼侍郎胡守中等

丁酉巡按山東監察御史張鐸進銅銃砲大小彈大彈及七

八百步鐵槍
彈及四百步

辛丑國子祭酒王用賓前南京國子祭酒黃佐俱為少詹事

兼翰林侍讀學士

壬子兵部右侍郎劉儲秀改吏部復歐陽德南京鴻臚寺卿
十月乙卯泰安王厚燾薨

己未巡撫河南右副都御史范鏗為兵部右侍郎
令邊人殺降冒功即梟示毋違入京

乙丑南京戶部右侍郎王道改禮部右侍郎署國子祭酒
錄擒叛功進周尚文太保錦衣正千戶翁萬達左都御史詹國

子生詹榮兵部右侍郎餘陞嘗有差

丁卯令沘河西寧歲積餘茶減價易金

辛未延津人李應時奏入其女弟許之初李拱辰進女官錦
衣正千戶子應時效之

徐學謨曰宮女必由諸王館選法至詳密茲不由公選而
以私進此倖門也已非盛世事而女之真偽亦難辨也當
時不聞言官諫沮而禮部更為請日未免上累聖德

辛巳開甘肅河西屯田甘肅巡撫右僉都御史楊博議新開
永勿賦其開而仍裝蠲十年

癸未寧夏地震有聲

十二庚寅宣府叅議劉珂蘓志臯戶部郎中劉棟褚賢坐清餉

鑄三級

癸巳張岳陞刑部右侍郎仍總督兩廣柯相仍巡撫河南
甲午禱雪於洪應殿

己亥雪表賀

庚子總督陝西兵部右侍郎曾銑上脩墻復河套二策其復
套曰秋高馬肥弓矢勅利彼聚而攻我分而守此虜利而中
國誑之時也及冬深水枯分帳散牧馬無宿藁入春益弱我

厲兵秣馬乘便而出此中國利而虜誑之時也今軍練卒六萬益以山東槍手二千多備矢石交春夏具五十日餉擣其巢材官驟發礮火雷激虜不能支歲為之出虜勢必折出套恐後矣因祖宗之故疆並河為塞築城分戍講求屯政中興之大烈也兵部難之謂復套非所易言即脩邊延綏袤千五百餘里三年竣事何銳也上壯銳策令更議之發二十萬金資脩邊治兵馬初仁和呂生殺人亡命套中三年盡得其險易虛實圖之謂套不難於攻而難於守以說銳、慄銳喜事大善之

乙巳巡撫延綏右副都御史張問行引疾除名調山西巡撫楊守謙代

湖廣守備太監廖斌進皇庄銀劫於新鄉青河南巡撫柯相戴罪捕盜逮巡按御史侯度布政司叅政常時平按察僉事劉佐衛輝知府李用和新鄉知縣侯東等於鎮撫司侯度不勝拷卒

丙午江西省祭官繆進賢言獻皇帝之國泊舟小孤山題詩神祠錄上之命立碑亭
丁未歐陽德為太常寺卿

免開封歸德水災田租

賑延安慶陽饑

己酉封廷柯代世子厚禎漢陽王載埽寧陽王載塘玉田王
健楸東甌王健榻翼城王願封高密王載葵慶雲王表相交
城王勛澤宿遷王偕瀛樂平王陸楫內鄉王

辛亥光澤王寵讓薨

壬子許南京國子監太常寺博士預考選

丁未嘉靖二十六年

正朔寅朔上不朝

虜犯永昌副總兵蕭漢禦之敗績

庚申左都御史宋景卒景字以賢奉新人弘治乙丑進士守

睢州改御史果進今官練達國體端亮著文臣節贈太子少

保吏部尚書謚莊靖

乙丑陝西布政使孫繼魯為右副都御史巡撫山西

丙寅吏部大計降斥有差

戊辰延綏報虜入犯請止宣大之戍從之

己巳署都督僉事戴濂為總兵官鎮守遼東

庚午賜徽王厚熹太清輔玄宣化忠道真人金印

壬申太子少保吏部尚書周用卒用字行之吳江人弘治壬戌進士授行人拜南京兵科給事中遷廣東左叅議歷河南右布政使以右副都御史鎮南贛入臺遷吏部右侍郎轉左下除南刑部右侍郎尋長南院歷刑工部尚書里居十年起總漕入內臺改吏部歷典銓雅著文行方位統鈞天下想望丰采乃遽失之再司內外察公平自持歷官四十餘年不以家自隨贈太子太保謚恭肅予祭葬
甲戌江防總兵官沈希儀改副總兵鎮廣西
遂定將領生自川廣雲貴留用其地不得推入京營西北邊

著為令

丁丑山東布政使胡宗明為右副都御史巡撫遼東

戊寅翰林檢討盧宗哲為南京國子司業

己卯青尚寶司卿席中等遺牙牌四
東寧伯 順伯 燕山左衛指揮 彰武伯 永

會事各奪月俸

庚辰刑部尚書閻淵改吏部尚書

辛巳南京工部尚書胡訓滿六年考進太子少保

巡撫順天右僉都御史郭宗臯請止減京兵分鎮陞賞屬夷忤旨免官

二月未朔吏科給事中胡賓劾胡宗明拾遺漏網 上怒其抗命謫

戊子永康大長公主薨

己丑吏部左侍郎兼翰林學士署詹事府事孫承恩署翰林院事張治主禮闈

階州地震有聲

丁酉工部尚書王以旂為右都御史湖廣按察使孫應奎布政司左叅議丁汝夔並為右僉都御史應奎巡撫順天汝夔巡撫河南

壬寅 科給事中陳鼎以劾諭朝覲官作十箴 上責其比並制書謫

甲辰召南京刑部尚書屠僑於刑部工部左侍郎文明為工部尚書

裁南京糧儲都御史歸於戶部并裁巡倉御史二之一

三月卯兵部左侍郎萬鏜為南京刑部尚書南京工部右侍郎屠楷為左侍郎

初乙巳十月土魯番馬黑麻納款火者阿力克等八百餘人延入甘州有詔議五年貢期傳送五十人留三百餘皆阻回

海西虜款塞求市不許

壬戌耀州獲虜謀何萬良等五人

乙丑戶部左侍郎趙廷瑞改兵部巡撫寧夏右副都御史李士翔為大理寺卿

丙寅策貢士胡正蒙等三百一人賜李春芳等進士及第出身有差

丁卯巡撫四川都御史張時徹劾免

癸酉撫治鄖陽都御史葉照被劾引疾去

丁丑青州礦盜平

己卯時久旱上禱雨立應

庚辰代府棗強王聰滋薨

壬午朔總理河道右副都御史唐瀚為刑部右侍郎陝西右

四
三月午朔總理河道右副都御史唐瀚為刑部右侍郎陝西布

政司左叅政王邦瑞為右僉都御史巡撫寧夏巡撫雲南右

僉都御史應大猷改四川進右副都御史

丙戌總督宣大翁萬達請移山西兵防大同巡撫山西右副

都御史孫繼魯爭之交章上聞竟逮繼魯獄

乙未淮府德興王祐棧薨

汶上妖賊平

丙申戶部右侍郎潘璋為左侍郎南京右副都御史及官為
戶部右侍郎

巡撫保定右僉都御史蘓祐移山西起于湛右副都御史撫
治鄆陽

金星晝見

癸卯太僕寺少卿吳章為右副都御史大理寺左少卿周鐸
太僕寺少卿李仁並為右僉都御史章巡撫雲南鐸提督操
江仁巡撫保定

乙巳前吏部尚書羅欽順卒欽順泰和人弘治癸丑進士授
編脩歷令官未赴致任操履純粹研精性學患時深虛誕作
困知記辨禪悟之學近理似是而斥其毫釐千里之謬贈太
子太保謚文莊

董其昌曰先生束髮登朝即以扶世覺民為已任嘗坐蒲
團拈公案與老衲同叅見所謂清淨法身者乃知無善無
惡之旨果與詩之秉彝書之恒性辨在毫芒灼然不爽此
困知錄之所為作也

四川白草番平

丁未東閣試庶吉士 上自命文曰原心詩曰善為賢
已酉封永妃徐氏

定翰林院庶吉士亢思謙汪鏜孫黎澄張居正胡杰莫如士
謝登之藍璧張勉學蔡文任士憑任有齡張思靜陳一松劉
涇毛起孫世芳馬一龍林燠李遇元殷士儋胡曉趙堂馬三
才朱文紹劉錫李敏孫衷吏部左侍郎兼翰林學士張治徐
階教習庶吉士

虜俺答遣李爵復求款有乞耕具墾塞外田云北部小王子
吉囊把都兒俺答為雄今小王子庭直遼東吉囊直陝西把

都兒直宣府俺答直大同許之貢則諸邊俱靖時脩邊未訖
俺答戒毋犯曰但許通貢築垣已傷也總督翁萬達巡撫詹
榮總兵周尚文以聞有肅虜詭詐不許其益治兵蓋夏言主
復套故力誣其說

日本使臣周良等來貢凡四百餘人舟四艘以非期發外海
舉山泊一年候貢

五丙辰令邊方守令精選進士舉監任之并行於川廣雲貴

丁巳戶部尚書王果滿六年考進太子少傅

署都督僉事周于德為總兵官提督江淮巡捕

庚申大學士夏言考滿特授繼孫朝慶尚寶司丞

壬戌起侯綸南京戶部右侍郎

丁卯吏部右侍郎劉儲秀為左侍郎禮部右侍郎署國子監事王道改吏部右侍郎

廣東左布政使胡松為右副都御史總理河道

賞曾銑卻虜功賜金幣有差

戊寅總督翁萬達乞遣戶部官核脩邊諸費 上以萬達區

畫已詳不必遣

己卯南京太常寺卿歐陽德改太常寺卿署國子祭酒

六庚辰朔建謝典於吳賜仙宮七日

朔州大風晝晦如夜

李兆龍劉祿馬錫張侃張鍊申炯程時思徐沛鄭惟誠俞鷺

萬文彬為給事中程其學張志學王楠吉來獻劉時進劉鳳

張登高龔秉德董威張淑勵史戴德鄧威劉應熊李一瀚周

大有溫景葵徐紳趙勳為試監察御史文彬惟誠秉德來獻

紳鳳勳並南京

靖江王邦寧以弘治十六年祿本折兼支非祖制訐巡按御

史錢嶸徐南金按察使葉照僉事潘恩筮死侍衛請正其罪

否則削髮不復入邸下廷議遣刑部郎中張祉錦衣衛千戶
萬文明往訊

丁亥太子少保禮部尚書費家進太子太保

庚寅裁瓊州叅將

南京守備太監兵得請復直廳軍六十人南京給事中雷賀
御史方克等劾其本江彬黨減戍孝陵費用又妄請隱占遂
仍戍孝陵

丙申四川馬羅番寇平

丁酉四川左布政使王崇慶為南京太常寺卿

戊戌災傷免鳳陽淮揚夏稅

己亥德府高唐王厚燭薨

庚子雲南總兵官太子太保黔國公沐朝輔卒贈太保謚恭
僖

總督陝西曾銑言延寧大虜壓境臣徵莊浪魯經以三千人
屯蘭州備援乃甘肅總兵仇鸞巡撫楊博不聽調遣命奪鸞
祿六月博俸四月

癸卯復巡撫浙江蕪轄福興泉漳提督軍務時海上貴勢冢
積通倭負其貨遂相構爭守臣不能制巡按御史楊九澤請

重臣巡視

戊申鄭王厚烷言宗室赴京奏事非亦得已皆親王郡王規
利阻尼有十歲未名終身不嫁娶者宗子日盛支子日窮其
宗室犯法者罰所統親郡王祿米命下禮部徧諭諸王
麻陽苗破湖廣辰州執叅將楊欽

七 癸丑陝西總兵官王縉移寧夏

丙辰兵部尚書陳經滿六年考進太子太保
丁巳巡撫南贛汀漳提督軍務右副都御史朱純改浙江兼
福興建寧漳泉海道

八 庚辰前少保兼太子太保工部尚書甘為霖卒為霖富順人

嘉靖癸未進士守州歷工部郎中值郊廟山陵之役敏給
能集事頗狡卑佞不七年躋宮保雖一時溢恩亦捷徑致之
嗜利寡耻上中年不朝時徇於賄工部為霖兵部張璠禮
部嚴嵩吏部許讚皆贖甚清議鄙之

丙戌免鳳翔鞏昌西安慶陽災傷田租

壬辰禮部尚書徐階子璠鄉試倩人事泄被縛而逸監試御
史奏入南京吏部主事華亭楊豫孫急足報階先密疏
辭詹旬日御史奏至竟不問

丙申宣大主兵餉屬郎中客兵餉屬守巡道多影沒至是巡
按御史黃如桂言之命主客餉皆屬郎中仍給五路通判銅
章

己亥秉一真人少師少傅兼少保禮部尚書陶仲文滿六年
考授特進光祿大夫柱國兼大學士俸廕子世恩尚寶司丞
壬寅勅禮部右侍郎許成名崔桐少詹事王用賓黃佐致仕
以覲吏部左侍郎給事中呂時中徐霽劾之奪吏部尚書聞
淵俸六月文選郎中張舜臣等下獄贖職

甲辰太子太保兵部尚書陳經太子少保南京兵部尚書胡

訓被劾自免

廣寧伯劉綎卒

戊申前少保兼太子太保禮部尚書武英殿大學士賈詠卒
詠字鳴和臨穎人弘治丙辰進士館選授編脩忤劉瑾調兵
部主事改禮部員外郎瑾誅復原秩進左中允祭酒至入相
素醇厚家居二十餘年壽八十四贈太保謚文靖

九胡子翰林編脩教銑為侍讀

丙辰左都御史王以旂為兵部尚書提督團營巡撫河南右
僉都御史丁汝夔為吏部右侍郎

巡視京營給事中查秉彝請獎勞撫寧侯朱岳署都督僉事
沈俊叅將李俊趙國忠 工以無例不許

丁巳湖貴苗積亂流劫沅州麻陽清浪殺沅州衛百戶陳恩
等切責總督王學益巡撫姜儀總兵白法李熙各停俸議討
之

巳未免徐沛蕭宿五河虹災傷田租

壬戌代府樂昌王聰涓薨

癸亥大享於玄極寶殿配 獻皇帝

免承天襄陽災傷田租

甲子前巡撫山西右副都御史孫繼魯卒於獄繼魯雲南右
衛人弘治癸未進士性耿介慷慨有大節嘗守衛輝忤權璫

被逮民卧輒死數人調淮安卻羨金又調黎平清白益著遷

湖廣提學副使歷晉撫以爭翁萬達擢邊之議下獄計閩晉

數百人災於京隆慶初贈兵部左侍郎謚清愍仍賜祭錄後

丁卯水災折曹縣城武金鄉馬價三年魚臺單縣二年

戊辰免吉安臨江撫瑞袁田租

河南撫按官請發帑補宗祿戶部謂非例以保定歲辦及開
納銀抵之

下戶部尚書王果巡倉監察御史艾朴於詔獄收兩淮鹽課
銀色惡員外郎俞善繼覓庫為禮科給事中馮錫所劾上
怒果等拷訊戶科給事中厲汝進查秉彛徐養正劉起宗劉
祿謂罪由署監運副使張祿賄通太常寺少卿嚴世蕃順天
府丞胡奎總督尚書王暉皆受請宜治嚴嵩疎辨謂言官汚
臣借及臣子工益怒詰汝進等不早劾各廷杖六十汝進
八十謫汝進亦佐典史秉彛定邊典史養正通海典史起宗
荔浦典史祿荔波典史果朴戎邊王暉張祿削籍時嵩怙寵
子世蕃干請亡忌王果素謹厚竟委罪至於榜戍大臣喪體

雖刑部尚書閻淵不能救正有波靡耳果竟戍卒公論寃之
己巳南京戶部尚書夏邦謨為戶部尚書屠僑為左都御史
河南左布政使張綱為右副都御史巡撫河南

乙亥仍武舉詔取七十人

丙子南京右副都御史韓邦奇為南京兵部尚書太常寺卿
署國子監事歐陽德為禮部左侍郎

丁丑前工部左侍郎吳大田卒大田人貢士興府伴讀

從龍起家

閏九壬午吏部左侍郎劉儲秀為戶部尚書督理西苑農事

乙酉玄殿良鄉橋俱成

復兗州管河同知

丙戌江淮總兵官周于德劾免

丁亥增築甘肅嘉峪關外墩臺

戊子總督漕運兼巡撫鳳陽右副都御史喻茂堅為刑部尚

書戶部左侍郎潘潢改吏部左侍郎

辛卯逮貴州巡撫右僉都御史王學益以會湖廣征銅仁鎮

算叛苗兵不至被劾叅將楊欽道辰州為賊縛湖廣巡撫姜

儀委學益失期不至四川巡按御史袁鳳鳴劾學益

丁酉兵部左侍郎趙廷瑞為南京戶部尚書戶部右侍郎及

宦為左侍郎工部右侍郎韓士英改戶部右侍郎

右春坊右中允署國子司業周文燭為國子祭酒

庚子陝西按察副使聶豹先守平陽值虜寇括民財佐費罰

重囚被劾下錦衣獄

辛丑總理糧儲兼巡撫應天右副都御史歐陽必進為兵部

右侍郎總理漕運兼巡撫鳳陽

湖廣右布政使李義壯為右僉都御史巡撫貴州

甲辰沐融嗣黔國公朝輔子朝弼為都督僉事佩印總兵代

朝輔子

朝弼為都督僉事佩印總兵代

鎮雲南融予半祿優給

乙巳罷巡撫雲南右僉都御史應大猷吏科給事中鄭大同劾其於屬吏舉而不劾并吏部曲護考功郎中雷禮謫大名通判

丙午免成都田租仍賑之

前太僕寺卿毛渠卒渠掖人嘉靖丙戌進士年五十一諭葬

十月庚戌禮部左侍郎兼司經局正字張電卒電上海人善書直史館予祭葬贈工部尚書

辛亥提督兩廣兵部右侍郎張岳為兵部左侍郎還朝廣東

左布政使周延為右副都御史總理糧儲巡撫應天

甲寅免昌平霸縣良鄉房山大城寶坻昌黎災傷田租

丙辰南京太僕寺卿嚴時泰為右副都御史巡撫四川

增定斬級賞五十金通行九塞

逮山東巡撫右副都御史何鰲以單縣妖寇勞師匱餉妄引例開俸見劾降福建布政司右叅議

己未湖廣道試監察御史陳其學劾錦衣衛都督同知陸炳逐客騷擾私鹽請託宜罪炳引服不問炳急時賂夏言長跪而解於是比於嚴嵩思中言言不悟

壬戌總督漕運兵部右侍郎兼右副都御史歐陽必進改提督兩廣軍務兼巡撫廣東太常寺卿徐可成為禮部右侍郎仍舊任

甘肅巡按監察御史兼理學政

遼東巡撫右僉都御史於敖總兵官張鳳有罪免廣寧指揮李鉞及中軍都指揮陳守節誥殺貢夷把把亥等七人致入寇大殺掠鉞守節伏誅餘謫降

遠四川都指揮丁勇以戎縣都掌蠻叛故
癸亥免濟南東昌兗州災傷田租

慶府豐林王台瀚薨

戊辰役順天永平通州民軍濬海口新河

十一月壬午夜宮中火詔釋御史楊爵獄爵長繫七年至是建醮高玄殿火時工恍聞呼楊爵及工部員外郎劉魁吏科給事中周怡名次日皆釋為編氓

癸未琉球入貢

圓明閣陽雷軒成

壬辰戶部右侍郎韓士英為左侍郎兼右副都御史總督漕運兼巡撫鳳陽光祿寺卿彭黯為右僉都御史巡撫山東

癸巳少師嚴嵩滿九年考兼華蓋殿大學士

翰林院編修李璣為左春坊左中允署國子司業南京吏部

郎中鄭曉為南京尚寶司卿

佛郎機夷人掠漳州海道副使柯喬禦之道去命逮把總指
揮丁桐及前按察副使姚翔鳳蓋受貨縱之入境

乙未 皇后方氏崩 上痛其極難喪禮如元后

定各總督都御史清軍巡鹽等御史糾劾即按覈不候專差
撫按

立敬一亭於南京翰林院

丁酉日本國王源義請遣使周良等以六百人泊海港待育

明年 上以先期下巡撫朱統議

丁未總督陝西侍郎曾銑上邊務十八事曰恢復河套曰脩

築邊垣曰選擇將才曰選練將士曰補實馬羸曰進兵機宜

曰轉運糧餉曰申明賞罰曰兼備舟車曰多備火器曰招降

用間曰審勢度時曰防守河套曰營田儲備曰脩職守曰息

訛言曰寬文法曰處孽畜下廷議令上方略銑進營陣圖曰

立營總圖遇虜駐戰圖選鋒車戰圖駐兵逐戰圖步兵轉戰

圖行營進攻圖變營長驅圖獲功收兵圖 上嘉之

十辰巳酉大理寺左少卿方鉞為太僕寺卿

辛亥初環球貢使陳賦同蔡廷會至先閩人蔡璟永樂中遣
琉球世任楫產故在閩以科給事中黃宗槩舊戚至則通
覬事聞奪廷會賞

山西總兵官王繼祖移甘肅

壬子周道襲翰林五經博士

繡麟子

甲寅安南都統司同知鄧文值阮如桂等遣使告去年五月
莫福海卒子宏潔五歲頭目阮敬作亂文值等不能制立登
庸次子正中據海陽海東正中復敗與族人莫文明等走欽

州命給糧恤養

談遷曰莫登庸盜有安南身沒未幾弱子單孫之不保故
知立國不以道即尉佗亡幸也

丙辰署都指揮僉事
總兵鎮延綏

丁巳蜀王讓栩薨謚成王

辛酉甘肅總兵官咸寧侯仇鸞貪虐為曾銑再劾逮下錦衣
獄

癸亥大理寺卿李士翔南京太常寺卿王宗為戶工部右
侍郎

戊辰謚 大行皇后孝烈

辛未大風霾占王邊警

甲戌封懷塔秦王字林唐世子定燿岷世子定光綏寧王載
堉昌樂王謨瑞安 王載塾惠安王勤燿遂平王勤焮堵陽

王顯桔江夏王

乙亥刑部左侍郎劉訥為南京右都御史右僉都御史朱廷
立為大理寺卿

海寇犯寧波台州逮分守布政司叅議鄭世威按察副使沈
瀚都指揮梁鳳

丁丑監察御史饒天民張登高各工復套議下所司

總督陝西侍郎曾銑率師數萬除夕襲套虜遁餉不繼未即
進虜聞之傳矢擁衆犯邊

雲南永昌祐柯夷作亂兵備副使韓廷偉撫定之

戊申嘉靖二十七年

正月卯因陝西山移風災諭廷臣修舉實政

癸未兵部尚書王以旂條復套事調山東河南良家子神機
營火器求聖裁 上諭輔臣師出果有名否兵果有餘力食
果有餘積成功可必否一銑何足言祇恐百姓受亡辜之僇

耳夏言懼不敢決請 上裁仍下諭廷議嚴嵩窺 上指奏
虜不易勝河套必不可復師既亡名費復不淺廷臣無不知
其謬第有所畏耳因引咎乞罷有旨言私薦曾銑任事之忠
不顧國安危民生死惟徇銑饒欲耳不許嵩辭夏言懼上疏
謝罪云嵩素無異議今先臣具奏意諉臣自解 上不悅責
言專徇私強君脅衆令吏禮部都察院議其罪嵩遂力詆言
之擅權謂機事大小毫髮不復關同言亦力辨不聽王以旂
等會議上遂罷復套命緹校逮曾銑科道官俱袖視廷杖奪
俸四月兵部尚書王以旂兼右僉都御史總督三邊軍務

乙巳前南京禮部右侍郎趙永率

丙午咸寧侯仇鸞訐曾銑子淳掩敗因蘓網賂夏言飾罪復
套蓋嚴嵩欲深言罪代鸞草奏命逮淳等遣 科給事中申

价錦衣衛千戶李永核邊

徐學謨曰時督撫按臣各起攻鸞、疑無死地矣乃天道
助逆曾銑之禍遂不旋踵所謂人而不仁疾之已甚亂也
獸窮則攫窮兇之輩可易視之乎

虜孛只郎中寇長寧等堡遼陽總兵戴廉擊斬百七十八級
尋突入鎮靜堡犯廣寧官軍失利

二朔申慶世子萬櫛薨

吏科都給事中齊譽等言曾銑贖貨誤國上責其不早言
請舉餘宥之

庚戌懷遠侯常玄振卒

癸丑定孝烈皇后陵曰永陵

甲寅起楊行中右僉都御史

吳繼爵嗣恭順侯世興子

南京兵部尚書張潤改戶部尚書總督倉場總理西苑農事

戊午廣東連山縣猺寇作亂

三朔子朔蘓松兵備兼理糧餉

內使馬廣以錦衣衛百戶馬天澤酖酒併罪戍孝陵

丁丑起李珏右僉都御史巡撫遼東

京師大風霾

庚辰祈年於雷霆洪應殿

甲申堵築薊鎮各隘

乙酉總督宣大侍郎翁萬達脩邊城上圖乞專重大同

庚寅曉月食巳刻大雷電

巡撫湖廣右副都御史姜儀以征麻陽苗未克降廣東布政

司左叅議

辛卯作克敵弩錦衣衛軍匠馮經獻雙矢三矢弩

癸巳錦衣衛都督同知陸炳讞曾銑其如仇鸞指遂戍蘓網
逮夏言坐銑交結近侍官員律殺銑西市妻子逐三千里銑
字子重江都人嘉靖己丑進士果銳有機畧初御史平遠之
叛卒用是著敢任勞怨其死不當罪天下聞而寃之蓋嚴嵩
借銑陷夏言而仇鸞厚賄嵩及都督陸炳構其獄自後以套
事為諱

錢琦曰曾中丞欲復河套雖過於擔當要之可矜不可廢

可獎不可殺臺省無一人敢言何也秦殺二十九人猶有
茅焦不意當代謹言如此

茅坤曰曾公所建言大較上倣漢衛青取河南地為朔方
郡築城繕塞因河為固下倣張仁愿取地河北築受降城
以困匈奴故事鄧僕射所悲錯為國家建萬世之利者前
後所上諸跡選將厲兵輓餉秣馬及請宣大總督共為特
角春蒐秋狩三年之間虜心內怖不敢南牧即奸虜思報
復其所規畫措置種、次第公非寡謀而輕發者也豈謂
貴溪分宜內相睚眦田甯啟釁廷臣觀望 肅皇帝屢詔

集議持而不決適有星變分宜合內監營惑左右實嬰所
嫉表益飛語以劫主工者公與貴溪並坐誣罔以忠受僇
嗟子公豈誣罔者哉公巡撫山東時予同年永嘉王德為
東昌推官王亦慷慨多大略每指公之籌畫河套本末教
怒髮裂眦而中夜不寢蓋嘉靖十九年也時貴溪方家食
又二年貴溪始再召而公所建跡上當帝心矣當是時中
外士無不人、指公為壯猷而倚席以待之者而謂其誣
罔乎哉

談遷曰虜據套近塞下不驅之邊患不休曾中丞抵掌籌

兵三年迭進即間有失得度狂猷可大沮也非常之原黎
民懼焉恬熙日久驟而講出塞之略所不心悸口舌者幾
人雖無仇鸞嚴嵩以構之終有陰阱矧學伏朝端其能免
乎中丞冢無餘貲臨刑嘆曰袁公本為百年計晁錯翻罹
七國冤中丞之自哀勝於秦人之歌黃鳥也

甲午鄭廷鵠梅守德唐禹譚太初趙鉞姜良翰杜汝劉體乾
萬石王鶴烏從善馬汝松為給事中劉崙陶欽臯阮鶚為監
察御史宿應參姪一元楊運徐洛朱有孚郭公道為試御史
時員缺俱京官選補

丁酉浙江左布政使林雲同為右僉都御史巡撫湖廣右僉
都御史王守服闋總理河道

辛丑總督宣大侍郎翁萬達言虜中歸人祈貢市詔備之
癸卯釋咸寧侯仇鸞

四月未下夏言鎮撫司言至丹陽被逮知不測指道旁樹曰白
楊白楊爾能知我去此不反乎言踪辨河套罷兵諭下不兩
日仇鸞方就逮何以知上語即跡至此明係嚴嵩陷臣

上不省言聞銑所坐驚墮車曰噫吾死矣復跡辨其詞甚苦
刑部尚書喻茂堅左都御史屠僑大理卿朱廷立等據曾銑

律以請而言當議貴議能上怒切責茂堅等阿附竟論死

妻子流三千里

丁巳金星晝見

壬戌先是順天庫歲核戶科都給事中羅崇奎請三年始核
從之

總督倉場戶部尚書張澗致仕

丙寅寧夏衛地震有聲

癸酉給巡撫浙江兼福建海道右副都御史朱統符懺初漢
人豔諸番貨私與市嘉靖十七年閩人金子老為番舶主據

寧波之雙嶼港後閩人李欵人許棟繼起負金錢多不償則推豪貴聞於官逐之番大恨出沒島嶼東南之難自此始朱執搗雙嶼盛兵集港口挑之夜風雨賊逸我火攻破之擒二酋餘趨浯嶼副使柯喬叅將盧鏜又破之獨許棟逸執渡海至港議留也衆難其險絕築塞而返欵人王直收許棟之黨巢烈港陳思盼亦聚百舫巢橫港別部王丹有舫五十思盼迎入橫港夜鳩之奪其舟部人不平潛通於直而烈港出沒必經橫港屢邀劫直伺思盼生辰方宴襲殺之由是海上寇悉受直節制

朱執督分巡副使柯喬出海搗靈官澳大破之擒渠帥三真夷六十漳人大恐往聚觀偶語籍、執益排根窮治豪右惡之於朝

五月亥朔設永陵奉祠寺臣義勇左衛改永寧衛

丙子罷延綏總兵官韓承慶曾銑薦陝西總兵官張達移延綏

辛巳前兵部尚書戴全卒全漢陽人正德甲戌進士有治才巡鹽採木並稱旨稍負氣不下纜本兵劾去

壬午禮部上孝烈皇后神主奉安坤寧宮儀注初故事在

奉先殿左夾室 上不可

丙戌 孝烈皇后塋永陵

壬辰增浮圖峪把總

戶部右侍郎李士翔為左侍郎總督倉塲督理西苑農事

癸巳成勲為署都督僉事總兵官鎮守陝西

令給事中御史編審京師商戶

乙未脩天壽山感恩殿

戊戌閔汝霖補右春坊右諭德

虜犯宣府四海冶官軍失利

六甲辰朔故少師大學士楊一清贈太保謚文襄

廕東厥太監麥福弟祥錦衣衛百戶緝獲刑科給事中李萬

實言功微不足錄不聽

丙午以巡撫宣府右僉都御史孫錦請增邊餉戶部詰總督

翁萬達及錦歲費陳狀量發十八萬金已各引罪奪錦俸四

月萬達俸二月

陝西添寇平

丁未右副都御史張岳總督貴州廣西軍務討叛苗龍許保

初苗久不靖至執指揮張治百戶錢用巡撫貴州都御史李

義壯請設總督節制三省

戊申日本貢使周良等六百餘人來朝貢朱統以聞許如十
八年例送五十人入京餘留寧波嘉賓館先是三月貢使在
館有蜚書巡撫欲殺使者可先發殺巡撫衆洶、朱統堅卧
定海鎮之頗疑推官張德熹遂以聞

徐學謨曰統嚴明介潔遇事頗刻核匿名書付之一火而
已何據而疑推官且當賄賂公行之時內無應援未有能
立功名於外者况閩人滿朝豈宜過激統之不終以此
已而停監生告改遠方例

七甲戌朔巡撫浙江兼福建海道提督軍務右副都御史朱統
改巡視監察御史周亮 科給事中葉鏗各言其遥制不便
蓋豪右中之也

丙子免泗州盱眙天長懷遠田租

丁丑夜月犯金星

戊寅前兵部右侍郎潘珍卒珍婺源人弘治壬戌進士令諸
暨入大理評事歷令官諫征安南忤去熹節一致累薦不起
夜順天保定地震諭脩省

己卯旌衛府高唐王厚燠齊東王厚炳孝行

庚辰太清閣成

辛巳鄭王厚烷上言

皇上御製心箴註曰箴碑幽風書無

逸揭洪範篇大學衍義下詢疾苦身先農桑臣所親見何及

邇年罷講有日美政亡聞使四方學士利欲紛拏莫知所從

守藩下臣願 皇上講學勤政求 祖宗之初治問百姓之

安危臣不勝拳、効李德裕丹宸之箴倣陸機連珠之體四

箴曰居敬曰窮理曰克己曰存誠又連珠十首臣聞連城之

壁不付於拙工千里之驥必託之善御是以修身者以損德

為憂保國者以失賢為慮臣聞如砥之途人以為邪徑彌天

之語人以為上乘是以孔孟之門無人而異端雜起堯舜之

世既遠而治道難興臣聞衣食足而民富禮文衰而訓靡是

以農桑必盛於風俗之始彛倫必明於教學之時臣聞百口

言善所以尊後一心詢過所以希天然則諛舌易異若口難

便是以堯疇咨而裕受拒諫而騫臣聞水滿易溢月盈易虧

是以守謙者不挾德而悔去患者不竢禍而追臣聞竭民脂

而作亡益者世不知惜長國家而損下利者士謂非忠然則

民饑而君無獨富農足而國不能凶是以愛民則錫福於邦

趾虐下則禍起於舟中臣聞文公簡禮春秋加貶鄒衍係獄

夏月飛霜然則不誠獲疾固察罹殃是以畏威者克謹天戒
敬祖者率由舊章臣聞商鞅尚法秦旋踵以亡仲尼行仁魯
三月而治是以萬類取足得衆尚於用寬百姓亡匱求仁先
於近譬臣聞臨春於閔陳禍以盈步虛於城宋室將毀是以
成湯寬仁不聲色是親放勳恭讓不茅茨為耻臣聞被衣寒
體充食餒腹民日惟憂耕田南畝鑿井西鄰人日惟擇然則
與以惠者欲其知樂以利者忘其力是以熙皞而王者之為
驩虞而霸者之策上大怒手詔曰日者勤熨謗訕朕姑活
之原煖敢効尤彼小豎子耳爾今西伯也諸欲為為之

談遷曰諫術有五諷其一焉人臣進說寧婉毋戇寧詳毋
徑况天裔篤密嫌構易生者哉勤熨激於前厚煖波於後
言出禍隨非宸聽之獨高也毋亦有失詞焉合而論之恭
王之所見粹矣

巡撫雲南右副都御史吳章疾去

廣西賀縣盜倪仲亮連山縣盜李金等平官軍擊斬三千餘
級俘二百八十六人廢總督張岳錦衣百戶

壬午工部右侍郎王崇慶改禮部南京國子祭酒李本改北
癸未增遼東義州太清等堡寧遠前屯城中右所戍兵三千

人

乙酉刑部右侍郎詹瀚為左侍郎右副都御史傅炯為刑部右侍郎

戊午復舊制親王郡王不得服內襲封

浙江左布政使李默為太常寺卿署南京國子祭酒

起顧應祥右副都御史巡撫雲南

壬戌前少傅兼太子太傅部尚書文淵閣大學士許讚卒

讚靈寶人弘治丙辰進士授大名推官拜御史避父進冢宰

改編修忤逆瑾謫臨淄令起浙江僉事歷刑吏部尚書直閣

名家子練習典故醇厚不伐然柔巽無大臣節晚頗賄閭閻

其家聲後其子與求卹贈少師謚文簡

庚子西苑產嘉穀雙穗七十五本群臣表賀

大同右衛馬氏女年十七將嫁化為男子

辛丑福建兵備副使張謙擊福寧盜敗之

八朝亥命秉一真人禮部尚書陶仲文支伯爵俸成國公朱希

忠駙馬都尉崔元加祿百石輔臣嚴嵩食正一品俸進禮部

尚書費家少保顧可學盛端明各太子少保萬壽節恩

命工部進礦銀

辛未譚功承嗣新寧伯綸之子

寧夏衛地震

南贛山盜平

歲稔發帑金各邊積穀從總督宣大翁萬達議

壬申翰林檢討全元立為修撰

虜犯大同鎮邊等堡不克伏其衆以二十騎誘指揮顧相千
餘騎往伏發圍於彌陀山總兵周尚文急出塞敗之相與指
揮周奉千戶呂凱郝京百戶利貞先戰死尚文轉戰逐北賊
伏蘆草溝我力戰斬大酋一乃遁虜遂犯山西乘不備連入

水口紅門猴兒山官軍失利

九甲戌聽歲貢生入監外留部選教官

丙子巡撫鳳陽右副都御史胡松為戶部右侍郎

己卯崇府瑞晏王載堉薨謚莊惠

辛巳免淮安鳳陽揚徐災傷屯租

治曾銑黨延綏巡撫右副都御史張問行削籍陝西巡撫右

副都御史謝蘭降級紀功御史盛唐謫 逮叅將李珍

延安衛署都指揮僉事田世威寧夏衛指揮同知郭震謂減
餉餽銑子淳也珍等俱戰功起徒中為銑任用逮下詔獄極

拷不承珍論死世威震謫戍

徐學謨曰珍震以死殉銑亦有嬰曰存孤之義雷霆之下無不摧折者當羅織時苟自為計銑子決不免矣於子貞臣累至而行明悲夫

壬午虜俺荅自鎮安堡入犯翁萬達預檄總兵官趙卿往虜遂佯攻獨石卿違令悉兵以援虜遂踰長安嶺掠雲州赤城永寧隆慶懷來游騎至空道八達嶺閱輔震動命京營叅將王佐許策等援之

丁亥右副都御史龔輝總督漕運兼巡撫鳳陽

京師地震有聲

丁酉制勅房光祿寺卿談相秩滿請廕許之子文明錄入太學故事雜深考滿不廕

己亥江西左布政使俞智為右副都御史巡撫南贛梁尚德服闋仍右僉都御史

庚子免順天永平水災田租

夜月犯金星并角宿

辛丑賜巡視右副都御史朱執金幣

莊浪大旱

十月朔郊殺少師大學士夏言言字公謹貴溪人正德丁丑進士
性警敏能屬文授行人擢兵科給事中建白稱旨授入相雖
驕蹇見忤亦多持正上嘗諭退處西內禪太子監國言年
六十卷曰臣全數已盡萬死不敢奉詔上遂止其後深恨
言以挫郭勛又不戴道士冠然無意殺言會蜚語謂言怨望
亦嚴嵩為之或曰嵩因災異引漢誅翟方進事上意遂決
其事秘世莫知也年六十七妻蘓氏涿廣西從子禮部主事
克承從孫尚寶司丞朝慶皆削籍天下惡勛之橫及嚴氏故
多惜言隆慶初復原官謚文愍予祭塋

史臣曰言豪邁有雋才縱橫辨博初在諫垣言事受知比
贊四郊禮遂荷特眷上性聰察不喜臣下雷同言知其
旨方張手敬用事時無敢抵牾者言故每事與之齟齬
上以為不黨因厚遇之竟至大同然才有餘而智不足憑
寵教肆威福自由上寢不能堪稍以違旨裁之言不為
懼久之上益厭屢加叱咤不以為耻末年再入一意修
恩怨人皆側目及嚴嵩誣構身首異處天下雖以惡嵩而
亦以言不學不知道足以自殺其軀而已
支大綸曰夏相豪邁辨博果於有為曾銑慷慨任事不避

艱險將相調和力主套議以復百年之故疆建匡攘之全
策偉哉振古之略也獨不念救援內固鷹犬外列側目伸
喙而思逞者方日夜甘心焉乃坦懷張膽自以無前謂
帝知己了無顧忌息壤固在其奈屬垣之語何於子成
宣以後大將無推轂之主英雄之借箸之籌久矣奚惑乎
二公之不終也

何喬遠曰嘉靖中年以後相者夏貴溪嚴分宜兩人貴溪
始為給事赫然見才誓不奔走權貴間至分宜亦挹有
文豈不皆君子哉不保其身同及於禍患生於以主寵為
已私物也貴溪峻而漸于不遜分宜卑而淪於不忠上怒
下憤所繇來矣

談遷曰貴溪才足自樹而褊矜未融慕蓋世之功志清羸
霧設魯中丞鼓行而北稍有失利貴溪能自必其命哉貴
溪不死於敗而死於讒又嚴氏代為之受螫也刑渥之凶
株及鼎軸雖非國事之幸安知貴溪不以是道其責哉噫
古未有宰相伏歐刀於都市者將中台星圻應其占與
命湖廣保靖宣慰使彭蓋臣等約束各寨苗夷
甲辰吏科右給事中馬錫託疾謫

乙巳許河南山東人入金陵西濟餉補官

壬子西苑復穫嘉禾

丙辰虜入隆慶八達嶺距天壽山七十里巡按監察御史王應鍾夜赴昌平鞭戍卒之不備者劾守備石美中及提督太監王敏俱奪官

戊午賜遼王憲嘯清忠

教真人金印

免承天長沙寶慶水災田租

增潮河川總兵蘇松常鎮督糧叅政

庚申河南祀故燕山衛指揮使馬義都督僉事俊都指揮僉

事振義死土木俊死廣西古田苗振死涿寇

刑科都給事中鮑道明為江西右叅政

戊辰夜雪初上禱於內壇輔臣等表賀

兵部右侍郎萬鏗為左侍郎巡撫大同兵部右侍郎詹榮佐

部大理寺卿朱廷立為工部右侍郎

十一月申朔山東巡撫彭黯奏御史劉時進引疾不聽許時進還朝自奏凡代題概禁

乙亥巡撫四川右副都御史嚴時泰為南京工部右侍郎起郭宗臯右僉都御史巡撫大同

丙子議 孝烈皇后祔廟祀 仁宗不果行

庚辰總督河道右僉都御史王守為南京右副都御史廣東
左布政使李春為右副都御史巡撫四川

監察御史王士翹請召遺佚報寢

甲申夜火星自畢逆行過昴至於胃

丙戌金星晝見旬而沒

丁亥巡撫河南右副都御史張綱卒

壬辰前南京兵部右侍郎張棟卒棟山陰人正德辛未進士

館選授編修歷令官

己亥巡撫遼東右僉都御史李珣為大理寺卿太僕寺卿方

純為右僉都御史總理河道

張廷槐楊允繩趙執崔璜王德沈東方文林懋舉石鯨徐易

凌汝忠為給事中申重陳效古金豪趙世奎吳和孫慎霍冀

姜廷頤王本固黃中張鑑趙錦李九功李尚智歐陽震朱木

王民陳澤為試監察御史懋舉鑑錦九功尚智震豪木民澤

俱南京

十 甲辰詔墾太原平陽澤汾荒田萬七千四百餘頃補宗祿

乙巳錦衣衛都督僉事袁天章為都督同知鎮撫司指揮同

知張柏齡為指揮使緝捕功

丙午南京右副都御史劉訥為南京工部尚書應天府丞蔣應奎為右副都御史巡撫遼東

壬子御馬監太監李慶等為故司禮太監鮑忠乞恩陞從子八人補勇士營五十人兵科給事中劉體乾言其濫遂陞三人收勇士二十人

甲寅少保兼太子太保禮部尚書兼翰林學士費宗卒宗鉛山人正德辛未進士館選授編修忤時去上初起官進左贊善遷南京尚寶卿歷今官贈太保謚文通

漕運總兵官署都指揮僉事萬表為南京中軍都督府僉書乙卯山東巡撫右僉都御史彭黠改河南

令廣西向武州土官子黃仲金那地州土官子羅廷鳳泗城州土官子岑施即嗣職免其入朝俱舊從征勞

免平涼鳳翔漢中災傷田租

丁巳署詹事府事禮部尚書孫承恩還部

兵部左侍郎范鏗兼右僉都御史往潮河川修築闕城戊午海盜涿劫蘓松官軍敗之

封承燭蜀王廷琦代王充鍵廣寧王載壘歸德王載圻慶元

王睦杖清河王朝璋益陽王致相湘陰王英竣永安王
前應天府丞朱隆禧為大理寺卿隆禧以大計免陶仲文往
太和山詣附之託其進方書賜金幣因入謝干進 上以挂
察典進秩致仕

庚申山東左布政使駱顯為右副都御史巡撫山東

辛酉鎮遠侯顧寰為總兵官提督漕運鎮守淮安

丙寅罷寧夏總兵官王縉坐曾銑失事

虜犯遼陽大殺掠

貴州守備柳之文討銅仁叛苗賊卒至衆驚潰之文手刃數

賊死之

己酉嘉靖二十八年

正月申朔 上不朝

黃振為署都指揮僉事總兵官鎮守寧夏

己丑前戶部 侍郎顧珀卒

辛卯定漕運河道二臣久任初巡按監察御史陳其學言前
年秋冬間推胡松總河韓士英總漕去春士英進南京戶部
尚書松代之不踰月進戶部左侍郎彼此視如傳舍宜久任
而責成之報可

甲午禮部尚書孫承恩劾罷

乙未太子太保禮部尚書盛端明致仕

套虜自西海還掠永昌鎮羗邊將拒卻之

二月寅增海州叅將

癸卯撫治邵陽右副都御史于湛巡按湖廣監察御史賈大

亨互訐俱免官聽勘去秋九月既望月食當晝刻例不護救

湛悞行之被劾遂訐大亨淫婪不職

魯王觀煊薨謚端王

甲辰停江南丈田御史劉奉言其滋蠹也

乙巳發四萬金賑陝西并免臨沔鞏昌田租

丙午給事中王德沈東楊允繩請簡輔臣錄遺佚下所司

丁未宣府報警總督翁萬達請以大同總兵官周尚文代宣

府總兵官趙卿分布待戰從之時宣府總兵趙卿以隆永之

役在論未得代總督翁萬達得謀報擬卿住兵滴水崖而慮

無可援也檄大同總兵官周尚文曰若當援滴水崖尚文得

檄尚猶豫而萬達慮尚文此猾而矜幸隣變援師少延無濟

也因奏尚文得暫代卿將援可速也詔下尚文果甲而馳未

至虜已攻滴水崖而卿已聞代付兵三千人于守將董賜江

瀚自歸賜瀚故驍將時營官隨鄉因出禦之虜一出我前一出我背夾攻賜瀚猶揮刃力戰殺數級而死于虜入定復東向懷來而尚文之兵至值于石柱村軍容甚堅虜未敢卒犯遣間來約曰詰朝當見比曉伐樹拆屋毀門閤令步卒肩之以禦矢石而騎隨之譟且突陣舊列營必列木為柵以拒侵軼其在尚文以柵自可見不若穴地為暗窖乃令人劓七窖于壁外窖深及膝大容馬蹄及戰虜馬多仆軍為發器擊之凡二日陣百餘合虜死數千人大沮然時其衆不歸也倭荅拔刀曰不勝且列吾首乃復攻圍南軍俱憊萬達曰兵三

日戰必疲不援尚文奔師也因鼓行而前未至虜營十五里

虜拔營遁

戊申朔州地震

辛亥南京吏部尚書張治改禮部尚書兼文淵閣大學士國子祭酒李本為少詹事兼翰林學士並直文淵閣

壬子虜數萬騎犯宣府滴水崖把總都指揮僉事董賜指揮

使江瀚等敗沒遂東犯永寧關而大震

明年七月贈賜瀚俱都指揮司知三祠

山西營田大獲巡撫楊守謙力也詔各塞如之

癸丑劉世延嗣誠意伯劉瑜孫

乙卯大同總兵官周尚文赴宣府值虜曹家庄大戰決日西路叅將姜應熊等自懷來鼓噪而東虜不測宣府總兵趙國忠分道促之遂逐

吏部左侍郎兼學士徐階為禮部尚書

巡撫保定右僉都御史李仁為右副都御史巡撫宣府

丁巳虜至永寧周尚文追及之斬其後勁虜自黃冢黑峪北走

南京禮部尚書王學夔改南京吏部尚書順天府丞任瀛為右僉都御史撫治鄖陽右春坊右中允孫陞為國子監祭酒

戊午禮部左侍郎歐陽德改吏部左侍郎兼翰林學士署詹事府事教習庶吉士

庚申趙府汝源王厚焜薨

山東按察使高大節為右僉都御史巡撫保定

賈席為署都督僉事總兵官提督江淮巡捕

錦衣衛指揮同知鄭重除名撫寧侯朱岳英國公張溶罷營務定西侯蔣傅惠安伯張鏞署都督僉事孫堪各奪俸二月先是給事中楊允繩偕岳等於武場較閱官舍訛言虜至沙河各驚走損威重

壬戌禮科給事中趙鉞言故禮部尚書費寀謚文通總兵卻永謚隱懷俱行履亡聞不宜謚請今後俱公議上裁許之嚴氏當國謚俱賄致然卻永久歷邊陲稱名將至與費寀同論如旁臣何

癸亥左春坊左諭德閔如霖為翰林侍讀學士署院

推郭宗臯巡撫大同李仁巡撫宣府兵科給事中胡叔廉等以宣府急調宗臯改仁大同報可

汀漳盜巢悉平

乙丑刑部尚書萬鏜改南京禮部尚書禮部右侍郎王崇慶

為左侍郎工部右侍郎朱廷立改禮部右侍郎

丙寅翰林編脩康太和為侍讀

三月未朔日食

壬申南京工部尚書劉訒改南京刑部尚書巡撫陝西右副都御史謝蘭為工部右侍郎

丁丑巡撫江西右僉都御史傅鳳翔為右副都御史巡撫陝

西

操江都御史周禕劾免

戊寅江西旌忠祠仍左孫燧右許達

初贈燧禮部尚書達副都御史趙教年贈達禮

部尚書故左達至是御史鄢懋卿言之

己卯南京尚寶司卿鄭曉為南京太僕寺少卿

壬午工部左侍郎屠楷為南京工部尚書巡撫寧夏右僉都御史王邦瑞為南京大理寺卿

叙逐虜功進總兵官周尚文太保兼太子太傅總督翁萬達兵部尚書各賜金五十幣六萬達幣四總兵官趙國忠幣二嚴嵩詹中書舍人兵部尚書趙廷瑞進太子少保餘陞嘗有差

甲申 皇太子冠 上不御殿罷傳制餘如禮

是日北郊泰折坊風壞

丙戌巡鹽監察御史劉時進溢薦至四十餘人非詔例請

丁亥 皇太子載轎薨年十四將出閣就學故冠之驟疾北向拜曰兒去矣端坐逝 上痛甚群臣踈慰獨荅陶仲文云

早從卿勸豈便有此 云 中外不知所謂後 裕王 景王

置外邸遂傳仲文有二龍不相見之說自此啟之也

戊子起張時徹兵部右侍郎兼右僉都御史提督操江

庚寅 上諭嚴嵩欲如 先朝身巡邊驅虜對曰今昔異時

第督邊將禦之母煩乘輿也 上然之

臨清大雨雹損麥

壬辰平涼大風霾晝晦如血

癸巳刑部右侍郎詹瀚劾免

乙未右副都御史楊行中為工部左侍郎

丙申冊謚皇太子莊敬凡雨霾五日

四 辛丑徽王厚熹訐御史張坪參議李洛僉事李延康得賂許

脩邸第左布政使紀常不饜其欲改脩墳工怒坪常落職

洛延康奪俸三月

丁未崇陽王顯休有罪毆從賜死

戊申諭禱雨

巡視右副都御史朱統敗倭於詔安巡按監察御史楊九澤

上捷違例請九澤

慶府弘農王治平薨

庚戌禮部右侍郎朱廷立大理寺右少卿閻璘干進被劾免責吏

部尚書閻淵私濫奪郎中俸六月

巡視浙江右副都御史朱統俘海盜九十六人斬之巡按監

察御史陳九德劾其專殺罷統命兵科給事中杜汝禎即訊

統窮治豪右如僉事林希元等諸貴臣相响統不休卒

解任

辛亥兵部尚書趙廷瑞劾罷

癸丑先是安南莫正中構兵來歸舊臣范子儀收餘卒妄言莫宏灑天迎正中還國因涿刼廉欽聞事聞命督撫驅勦丙辰經理兩閩兵部左侍郎范鏊為兵部尚書跡辭云衰朽之年栖、可耻忤旨削籍

丁巳初二月虜寇宣府射書求款且還所掠人云不許貢且復犯宣大總督翁萬達以聞上以虜狡徒沮邊略不許然我前殺其使故但射書又累入得利嘗怯我意欲徂我非其

情也

已未築大同宣府內外邊總督翁萬達請築內塞略曰宣府垣役始西中路者先所急也北東二路限于財力又朶顏支部巢處其外尚能為我藩籬故遲而未舉今西中路塞垣難犯而朶顏支部為虜偏徙則二路之急視前數倍也夫二路邊七百餘里馬步卒不三萬即皆為垣乘守莫及兵分于地廣備疎于無援此臣之所懼也擬自新寧東路之新寧墩而北歷鵬鶚長安嶺龍門衛至六臺子別為內垣百有六十九里有奇塹如之敵臺三百有八鋪舍如之暗門十九以重

衛京師控帶北路又東路鎮南墩與薊州火燭墩中空未塞而鎮南而北而西至永寧新寧墩亦原未議塞垣俱宜補築成全險也

又萬達請還乘塞兵略回國家禦虜四時不徹備而獨曰防秋者以秋高馬肥虜時深入特加嚴耳然往者罕調客兵且不乘塞近因賊勢縱橫二議遂作勞費數倍已覺不堪又自夏徂冬聚而不散是非用武之經可繼之道也夫客兵承調去家一二千里主兵擺邊遠者亦不下三四百里朔風侵服饋餉不給鷄衣野處腹徒延設有脫中之訴何以應之夫使不以其時散之不由其舊雖有不可測度之見威而竄者逸者自一而十自十而百百而千萬將不可禁也彼時盡置之法則太苛遂釋其辜則啟玩萬一不忍饑寒不俟命令倏然解去所捐豈其微哉故乘塞兵入冬不可不罷也然臣所謂罷異鎮客兵及遠地主兵耳至于本路土兵則仍其舊邊事有常有警不廢前歲一報掣兵諸防悉解事起倉卒束手無措臣謂未可與今日同論也于是乘塞兵罷鎮

宣府志曰往年乘塞之令一時視為上策無敢轉議然其間士卒之苦則翁公此跡盡矣庚戌歲後虜仍內犯不置

朝臣始知此令不足恃也因以漸罷其役云

尹畊曰猶記兒童時有事大同鎮城也抵北門不敢出關
觀也其時北郊二十里許曰孤店虜日至巡撫史道視地
飯於北極神祠虜忽突至望麾蓋集矢如蝟諸軍力戰以
免故文錦之五堡識者恨其不究自總督毛伯溫之治弘
賜堡也鎮城以北商賈行矣周尚文城滅虜九堡以聯其
兩翼而復為拒牆五堡^{以厚}屏其肩背則五堡不為極塞而鎮
城內矣然議者猶為拒牆五堡危之茲城其終條理乎由
是而推則宣府之興和不可理而復黑山之垣不可引而

直東勝豐榆之境不可漸而圖非夫也

壬戌福建備倭都指揮俞大猷以習水改駐欽廉

方山王府奉國將軍知睽知燦殺其兄知照賜死

丙寅永和王知煥薨

丁卯甘州副總兵吉象延綏副總兵陳鳳並署都督僉事總
兵官象鎮守寧夏鳳鎮守大同

五朔酉朱承勛嗣武進伯朱海子

甲戌上禱雨內壇至是始澍

宣大總督兵部尚書翁萬達還部

乙亥太保兼太子太傅左都督大同總兵官周尚文卒尚文
世西安後衛指揮同知疏果多謀弘正間數逐虜有功進指
揮使歷涼州副總兵以套虜善渡河築凍墻百里募力士伏
渡口鉄鈎之尋鎮寧夏山西延綏俱有戰功沙城之捷尤
偉歷宣大且老耐被甲臨陣與士均苦樂爭願為死壬寅來
虜日整晉亡失無筭惟尚文確鬪不敗然性伉始短長人幕
府多不堪沒久之贈太傅謚武襄

戊寅巡撫宣府右僉都御史郭宗臯為兵部右侍郎兼右僉
都御史總督宣大

己卯禮科給事中沈束請周尚文卹典贈爵上以尚文矜
肆怨望束不即繩而私之下鎮撫司廷杖錮於獄尚文嘗任
右軍都督府嚴世蕃時經歷常呵之積憾尚文也

癸未刑部右侍郎傅炯為左侍郎巡撫山西右僉都御史蘓
祐為刑部右侍郎河南按察使李良為右副都御史巡撫宣
府

丙戌鳳陽淮安地震

甲午四川左布政使石遷高為右副都御史巡撫山西
丁酉錦衣衛右都督陳寅卒贈太子太保寅給事興邸既

扈蹕凡舊人皆世指揮僉事

六己亥朔兵部右侍郎詹榮為左郎節南京大理寺卿王邦瑞為兵部右侍郎

庚子前太子太保兵部尚書趙廷瑞卒廷瑞開州人正德辛巳進士館選授戶科給事中歷撫山西督宣大累進本兵甲辰下世襲五經博士曾質粹於江西巡按御史質粹以吉安與嘉祥曾守仁同譜先約祠田予守仁已而背之遂互訐御史劉瑤謂誣在質粹并得其狡獪狀丁未陝西左布政使王昂遲悞織幣降浙江布政司左叅政

裁團營官三十六人

庚戌郭應乾嗣成安伯郭瓚子

廣西桂林道副使兼撫夷舊另設撫夷副使

辛亥太傅兼太子太傅駙馬都尉京山侯崔元卒元尚永康

大長公主以迎鑾封恩寵莫得比贈左柱國謚榮恭

己未免鳳陽水災田租

庚申 莊敬皇太子葬金山

壬戌德清大長公主薨

大學士張治學士李本禮部尚書徐階直無逸殿

丙寅兵部尚書翁萬達提督團營

丁卯延川縣雨雹如斗

七月申淮安地震

緝捕閩浙通倭豪猾

徐曰久曰海上之事初起內地奸商王直徐海等常關中國時海與番客市易皆主餘姪謝氏久留之謝氏頗抑勒其直諸奸索之急謝氏度負多不能償則以言恐之曰吾將首汝於官既恨且懼乃糾合徒黨夜劫謝氏久其宅殺男女數人大掠而去縣官倉皇申報云倭賊入寇巡撫統

下令捕賊甚急又令並海居民有素與番人通者皆得自首及相告言於是人洵轉有告引或誣良善為諸奸畏官搜捕亦遂勾引島夷及海中諸盜所在劫掠乘汛登岸動以倭寇為名其實真倭無幾承平日久人不知兵賊至即為獸奔散室廬為空官兵禦之風奔潰蔓延及閩海浙直之間調兵增餉海內騷動朝廷為旰食者六七年至竭東南之力僅得勝之蓋患之從起者微笑

癸酉翰林侍讀教銑脩撰黃廷用主試應天
辛巳山西平虜衛地震有聲

武安侯鄭綱卒

丁亥禮部尚書徐階考汰太醫院醫士

勒撫賞三衛貢夷之額

戊子 皇長女薨追封常安公主

庚寅旱災免河南西安夏稅有差

癸巳巡撫雲南右副都御史顧應祥為南京兵部右侍郎巡

撫山東右副都御史駱顯為大理寺卿

戊戌山東廣東左布政使應檀韓楷為右副都御史檀巡撫

山東楷巡撫雲南

八月己亥戶部歲終會計出納分四則歲徵歲收歲支歲儲呈御

覽

壬寅出西苑瑞穀百有六本示輔臣稱賀不許

甲辰翰林院侍讀康太和右春坊右贊善兼翰林院簡討閻

樸王試順天

己酉前南京兵部左侍郎潘旦卒旦婺源人弘治乙丑進士

授戶部主事行誼修潔嘗守漳州邵武有惠民祠之贈工

部尚書

辛亥禮部尚書徐階子璠倩人入棘鄉試事泄被縛而逸監

試御史

張揚順

以聞南京吏部考功主事華亭楊豫孫急足報

階、先容

陛下以臣犬馬之勞澤及其胤令子瑤

備教南雍今南中人來臣私詢訪知其意氣不倫交游非類

臣日夜媿懼不能教子以負上恩為此披誠請革瑤廢使臣

不肖子冒恩澤亦使臣子知 聖主督過能自遷悔是

所以造就微臣不獨名位寵榮也 疏入 上大悅旬日御史

疏至 上不問已南京給事中萬文宗將論階有受吏泄於

豫孫以兵部主事茅坤善文案探得之階先為備仍不問文

宗奪官請豫孫改北禮部儀制主事坤降廣平通判

乙卯平涼崇信縣天鼓鳴

已未錄甘肅禦套虜功進總兵官王繼祖都督同知巡撫楊

博右副都御史

西夷總牙日羔刺等以迫土魯番入肅州雜居監生李時暘

奏恐貽患內地巡撫楊博檄副使王儀叅將劉勳脩威虜并

金塔寺古城徙七百餘帳男婦三千四百餘人給耕墾朔望

互市諸番頓首受約

瓊州黎作亂 科給事中鄭廷鵠言諸黎盤據山岡而州縣

外環之地彼高而我下產彼腴而我鹵勢彼聚而我散故無

歲不害臣生其方度非九千兵可辨若微狼土官兵兼募博
徒共集數萬環攻可克元至元辛卯蕩其穴勒石五指山雖
立定安會同二縣經略未盡故旋失之嘉靖庚子大征時賊
巢德霞地勢平行擬立城邑招新民耕守中道而廢致有今
日今所常經略者難東^惟瑯嶺脚二峒當萬州陵水之衝崖
賦被攻必借二峒東江以分兵勢宜奇兵先攻二峒大兵搗
崖賊、可殲也隋唐郡縣輿圖可攷今多陷賊事平恢復以
德霞等腴地立州屯田由羅活開路以達民命由德霞沿溪
以達昌化道路四通留參將屯德霞安輯黎人萬世利也可報

叙州戎珙等蠻平

虜入大同左衛及威遠平虜毀墻入至寧武殺掠久之遁

甲子兩浙都轉監運司副使郭希顏復工廟議及周禮廟祧

一篇前長沙知府李本

部郎中王畿廟制考議併進覽曰

初臣工議見大學士嚴嵩問何以必欲廟答曰天地既分宗
廟又可合乎嵩曰如此須起夏言尋言果起嵩事之甚謹終
無一語救正坐待其斃始共之未及考古繼恐改已之禮而
夕失權也秋享凡幾嵩文學大臣豈不聞父昭子穆古今通
禮合九室皆已有主五世又不忍祧將來 孝烈又不識何

所祔此非聖慮之未及而誰為畫此者失策也 上不問

乙丑慶陽大水蘭州饑

九月朔獻瑞穀於玄極寶殿及太廟齋朝天宮三日

虜三千餘騎寇榆林叅將劉繼先等戰却之

乙亥禮部尚書顧可學乞假遷葬

丙子豫開各邊鹽引

戊寅太子太保吏部尚書閻淵致仕

虜三萬騎掠萬全左衛總督郭宗臯督兵禦之遂引而東駐

沙嶺堡

十月庚子天壽山守備太監劉遠請符幟如鞏華城副總兵胡潭

例不許

辛丑免順天河間保定真定大名災傷田租

癸卯桐鄉王禹枋改封慶世子署府事慶王台宏次子

總督湖廣川貴右副都御史張岳言貴州銅仁叛苗往日布

政使石簡嘗撫之賜魚鹽牛酒花幣給口糧冠帶其前首弁

其子弟不旋踵而叛掠此撫為亡益徒養寇之明驗也必大兵

創之後撫可定守可固從之

甲辰故周府鎮國將軍勤燠追封益陽王 朝壇父

乙巳召南京刑部尚書劉劬於刑部

前河南道監察御史楊爵卒爵字伯脩富平人嘉靖己丑進士授行人屢使藩國辭其謁拜御史喪母廬墓三年有冬筭馴免之異庚子入臺言事忤旨下詔獄七年旋釋又逮獄三年讀書無幾微怨色放歸乃教授甲中疾革授筆自誌年五十七隆慶初贈光祿寺少卿萬曆中謚忠介

馮時可曰世廟時言事者接踵大都有畏禍心者則其氣縮有急名心者則其言訐公謹而不縮直而不訐惟憂惟愛甘心釜鑕故上亦諒其忠鯁雖久繫而終不誅竄之

也乃其自恃介潔身如完璧即隨夷何以過予嘗謂此心可以對天享帝然後可以批鱗犯顏公庶幾哉

丙午常文濟嗣懷遠侯玄振子

諭苑田瑞穀停刑

戊申禮工部侍郎王崇慶楊行中擇金山塋思柔公主

翰林院庶吉士亢思謙胡杰汪鏜孫張居正為編修孫世芳朱大韶林燠殷士儋毛起為簡討張勉學謝登之張思靖監璧黎澄李遇元任有齡李敏為給事中趙鏜馮三才劉錫孫稟胡曉莫如士劉涇為監察御史

辛亥總督陝西尚書王以旂滿六年考進太子少保

吏部左侍郎滿漢為戶部尚書巡撫順天右僉都御史孫應

奎為左副都御史佐院總理河道右僉都御史方純為南京

大理寺卿

乙卯翰林檢討張思為山西按察副使思給事中避兄忠改

巡撫雲南右副都御史韓楷疾去

翰林院編脩袁煒為侍讀檢討王繼楨為脩撰

吏部右侍郎丁汝夔為左侍郎兵部右侍郎王邦瑞改吏部

右侍郎河南左布政使王汝孝應天府丞何鰲並為右副都

御史汝孝巡撫順天鰲總理河道

庚申沐鞏嗣黔國公年三歲優給半祿沐融母弟融瑒朝弼

仍代鎮

工科給事中趙軌監察御史申仲劾盜甲厥太監呂洪盜銅

鑄私器下洪詔獄軌仲亦捕繫削籍

辛酉兵部尚書翁萬達憂去左侍郎詹榮當署事引疾乞假

忤旨罷

癸亥吏部左侍郎丁汝夔為兵部尚書提督團營

免山東貴州遼東旱蝗秋租有差

十一月戊辰議 孝烈皇后祔廟初禮部議奉先殿東室 上非
之於是嚴嵩議太廟 睿皇后寢^後安主從祔姑之義 上不
可諭遵祖制祧 仁宗

壬申免大同糧芻先是隕霜殺苗也

甲戌王用賓起少詹事

乙亥太常寺卿署南京國子祭酒李默為禮部右侍郎刑部
右侍郎蘓祐改兵部右侍郎順天府尹胡奎為右副都御史
巡撫雲南
貴州右巡撫右僉都御史李義壯免總督張岳劾其阻兵乏

軍興

庚辰湖廣左布政使任輟為右副都御史巡撫貴州

辛巳巡撫河南右副都御史彭鵬為刑部右侍郎

治宣大共事罪大同巡撫李仁降神木縣典史叅將麻隆等
逮下法司宣府巡撫李良總督郭宗臯停俸總兵趙鳳落職
賞力戰者

甲申 孝烈皇后祔太廟

王世懋曰 世廟未崩 孝烈皇后先入廟遂祧 仁宗
亦是古所無事當時聖意或有在焉逮 穆宗登遐入廟

祗宗之際此其機矣 睿宗科臣陸樹德曾言之以曾孫
議祗 皇祖遂不敢覆行而竟祧 宣廟從茲莫復匡救
矣

乙酉金星晝見凡五日

丙戌起端廷赦右副都御史巡撫河南河南憲察使陳耀為
右僉都御史巡撫大同

丁亥戴才徐綱李用敬為給事中李逢時裴仕瀛蔡陽金成
子學李初元胡志夔邵稷高鏞吉澄趙臣陳大賓為試監察
御史臣大賓南京

下巡按直隸監察御史張登高於鎮撫司登高治涿州庫吏
盜金狀吏逃訴錦衣衛歸罪知州王得良捕治之登高恐奸
吏効尤請下所司訊明 工以回護逮登高

庚寅工部尚書文明卒 錦衣衛人正德丁丑進士

乙未鄭崑嗣武安侯鄭綱子

免馮陽荆門水灾田租

延綏總兵官張達移大同

十二月丙申朔前大理寺卿李珣卒

戊戌寧夏左叅將吳鼎為署都督僉事總兵官鎮守延綏

壬寅貴州左布政使部相以前郎中進俸後陞任四川布政
司左叅政兼支從四品俸被劾下巡撫訊之遂定内外官非
軍功遷後不許兼支著為令

甲辰周府崇善王朝壝薨

丁未提督倉場戶部左侍郎李士翱為工部尚書

庚戌南京兵部尚書韓邦奇致仕

壬子懷塔襲永壽王恭和王秉燿庶長子定都王正妃沒不
得封繼妃著為令

甲寅上禱雪洪應壇

巡撫山東右副都御史應檀改山西

己未賑淮安

辛酉封顯坦魯王健柳新蔡王翊鑾崇世子在煊周世子褒

熈安樂王載焮金華王縉焮延安王遷域和川王致棟光澤

王致棟松滋王字漳衛輝王

琉球來貢

壬戌周府信陵王睦樞庶長子勒煥卒勒煥乞封禮部謂宗
支無承襲例不許

南京吏部尚書王學夔改南京兵部尚書起應大猷右副都


御史巡撫山東

麻陽縣 破印江縣執知縣徐文伯

是年宗人府上玉牒親王至庶人見在萬有九千八百九十
三人其未開陽曲永和二府及南京齊庶人建庶人後不下
千人都主縣主郡君鄉君等共九千七百八十二人

王世貞曰親王至朱萬石軍校官僚府第婚喪之費又不
下數萬至於庶人各歲萬石居第二百金婚娶百金此不
可已也地力有限生育無窮將奈之何哉以有限之財填
無窮之浪非也以帝室之胃而錮之一城之內坐視其貧

賤而不為所亦非也然則將軍而工仍貫乎中尉可弗爵
矣量親疎給貲使徙箸從事於四民拔其賢者能者而同
升諸官庶耳



程